

الطبعة

8

اجتماعي  
سائح

# 50 تيورون

★ محمد فايق ★

لبنان للنشر والتوزيع

نئیورون 50

محمد فایق

# الإنترفيو

- ها يا حبيبي عملت إيه في الإنترفيو؟

\*يااه يا أميرة.. ربنا كريم.. كانت كويسة أوي

- الحمد لله طب احكي لي.

\*الراجل يا ستي عنده شركة صغيرة كده بس ناجحة جدًا ماشاء الله.. مشكلته الوحيدة في التسبب.. حاسس إن في مشكلة في الإدارة.. فمحتاج واحد يقدر يدير الناس ويزرع فيهم روح الجدية والالتزام.

- كويس جدًا.. طب قتلته إنك كنت بتدير مكاتب قبل كده؟

\*طبغًا با بنتي أمال إيه!.. وقتلته كمان أنا 3 سنين في الجيش ظابط احتياط وفاهم كويس أوي يعني إيه إدراة.. الراجل كان مبسوط أوي.. وطلب إن احنا نتقابل تاني برة الشركة عشان نتكلم في التفاصيل.. إيه رأيك أعزمه هنا في البيت على العشا بكرة؟

- فكرة هاييلة يا شريف.. وليك عليا هطبخلكوا عشا عالمي من بتاع الأفلام الأجنبية.

\*الله عليكي يا أميرة لما بتبديعي.. والله أنا متفائل جدًا..

\*تاني يوم\*

- اتفضل.. اتفضل يا أستاذ منير.. أهلاً وسهلاً البيت نؤر.

\* أهلاً بيك يا شريف.. أهلاً أهلاً.. الولد ده ابنك؟

- أيوه يا أستاذ منير ده ابني حماده.. أحمد بس احنا بندلعه حماده بقي وكده ههههه.

حماده: ماما دائماً تقول محدش يدخل بالجزمة على السجادة عشان هي ضررها بيتقطم في تنفيذها.

شريف: ههههه.. بس يا حماده.. هههه ماتخدتش ف بالك يا منير بيه، ده بس حماده كده يحب بهزر.. جيل عفريت.. هههه.. ادخل جوة يا حماده دلوقتي عند ماما يللا.

منير: هههه.. بس ماشاء الله عليه باين عليه ولد ذكي..

شريف: جيل الإنترنت بقي يا فندم ههههه.. تشرب إيه يا أستاذ منير؟

منير: قهوة مضبوط لو مفهاش تعب يعني.

شريف: يا خبر أبيض.. حالاً يا فندم.. حماده.. يا حماده.

حماده: نعم يا بابا

شريف: قول لماما تعملنا قهوة مضبوط.

حماده: ماما دائماً تقول إن الكافيين بالليل مضر جداً لأنه ممكن يجيب أرق.. وكمان هيسد نفسكو عن الأكل

شريف: يا بن ال..... ههههه.. روح بس يا حماده قول لماما.

منير: سيبه يا شريف.. الولد بصراحه عنده حق.. تعال يا حماده.. انت في سنة

كام؟

حماده: كلاس فور يا أونكل.

منير: وشاطر بقى في المدرسة؟

حماده: ماما دايمًا تقول إوعى تقول لأى حد إنك شاطر في المدرسة لأن الناس عينها وحشة.

منير: ههههه.. والله ماما عندها حق يا حماده.. بس انت باين عليك ماشاء الله شاطر.. ربنا يباركك فيه يا شريف.

شريف: هو لمض شوية معلىش يا أستاذ منير..

حماده: ماما دايمًا تقول إن كلمة لمض الناس بتقولها لما مش تلاقي رد بالحجة والمنطق على الشخص اللي قدامك.

شريف: هههههه.. طب يلا يا حبيبي روح قول لماما على القهوة.

حماده: لسه يا بابا مصر على القهوة؟ ماما دايمًا تقول الرجوع عن الخطأ شجاعة وليس ضعف.

منير: هههههه عندك حق يا حماده.. خلاص يا شريف بلاش كافيين بالليل.

حماده: يا أونكل هو الكافيين بس؟ ماما دايمًا تقول إن العشا لازم يكون بالكثير على الساعة 5 أو 6 لأن بعد كده ممكن يسبب تخمة وحموضة.

شريف: امشي.. امشي يا حماده يا ابن ال..... هههههه يلا يا حبيبي.. قول لماما احنا جاهزين للعشا!!

منير: هههههه.. والله حماده أخرجنا يا شريف.. أنا فعلاً بييجيلي حموضة جامدة لما بتعشى بعد 8 لأنى بنام بدري.. أقولك.. بلاش حاجة خالص.. أنا اتشرفت ببيك والله يا شريف.



.. الو.. أهلاً أهلاً منير بيه.. الموبايل نور يا فندم!!.. والله أنا قلت حضرتك  
خلاص مش هتكلمني تاني..

\*بالعكس يا شريف.. أنا معجب بيك جداً جداً.. وابنك حماده ماشاء الله..  
على بالي من امبارح بعد ما أبهرني بكمية المعلومات والانضباط والتربية اللي  
المدام معوداه عليها..

- يعني نقول مبروك الوظيفة يا فندم؟؟

\*الحقيقة يا شريف أنا بتصل عشان عايز أعين المدام عندي في الشركة!

\*\*\*

## عرض غير محترم

- حنان انتي في المطبخ؟

\*أبوة يا أحمد، في إيه؟

- طب خلصي وتعال عشان عايزك ف كلمتين.

\*تواني طب بعمل شاي.. أعملك معايا؟

- ياريت عشان هحتاج شاي فعلاً.

\*ها يا سيدي في إيه؟

- نفسك يبقى عندنا فلوس كتير؟

\*ياللهوي هتشتغل في المخدرات يا أحمد؟!!

- مخدرات إيه يا هبله هو أي حد كده يشتغل في المخدرات! دي صنعة!

\*يبقى دعارة!

- الله يخربيتك يا شيخة! الأفلام خربت دماغكو!! لا مش دعارة

\*أمال إيه يا فالج! عربية كبده!

- لسانك ده لو يقصر 2 سم بس! ربنا هيكرمنا والله.. اهمدي واسمعي

وصحصح معايا... بقى أنا يا ستي وأنا قاعد أقلب على فيسبوك، اتعرفت

على مليونيرة خليجية وحبتي واتعلقت بيا أوي و....

\*ناعا!!!!!!م!!



- نزلني بس حاجبك اليمين اللي نط فوق مترين ده!.. مش عارف بتعملوها ازاي  
رفعة الحاجب دي!.. ما علينا.. اسمعي للآخر..

\*سمعي يا دنجوان النت سمعي!

- يووه.. المهم.. المليونيرة دي عايزة تتجوزني ومستعدة تدفلك فدية لو  
وافقتي تبقى ضرتك!

\*تتجوزك!!!!!! نهارك أسود ومنيل بنيلة.. تتجوز عليا يا أحمد؟!!! عايز تتجوز  
عليا!!

- أوفر أوي!! اقعدني بس واهدي واسمعي للآخر.. ولو الكلام معجبكيش وربنا  
ما هاعمل حاجة!

\*هي هي هي هي.. بس يا أحمد خلاص سيبي أنا عايزة اطلق

- انتي لحقتي جيبتي الدموع دي كلها منين!!... يا حنان يا حبيبي اهدي بس  
طلاق ايه استغفر الله العظيم.. اهدي بس ربنا يخليكي عشان أعرف أكمل  
\*لا تكمل ولا ماتكملش.. إوعى كده سيبي.. أنا عايزة أتطلق يا أحمد خلاص  
هي هي هي

- فيلا في القاهرة الجديدة باسمك.

\*هي هي نعم؟؟

- الست دي مستعدة تشتريك فيلا في القاهرة الجديدة باسمك لوحك  
\*عايزني أبيعك يا أحمد؟؟ هي هي.. عايزني أبيع جوزي وأشارك فيه واحدة  
تانية بالفلوس!!

- و عربية بي إم الفئة السابعة آخر موديل باسمك

\*انت مش فاهم ولا تعرف أي حاجة عن شعور الست على فكرة.. فلوس إيه اللي بتتكلم عليها؟؟ الفلوس دي هتعملي إيه وانا حاسة بالقهر ونايمة لوحدي وجوزي ف حضن واحدة تانية؟؟ هي هي هي

- وطقم الأماظ من لازوردي بأي سعر انتي اللي تختاربه.

\*ولا فلوس الدنيا كلها تسوى لحظة أعيشها في ألم ووحدة.. الرجالة دايماً أنا نيين وممكن يبيعوا أي حاجة بالفلوس.. إنما الستات لأ.. هي هي هي

- و مليون دولار في حسابك في البنك

\*بس أنا معنديش حساب في البنك.. هي هي

- نفتحك

\*أصلك يا أحمد مش فاهم.. طب الناس واصحابنا هيقولوا عليا ايه بس!. هي لما تعزمهم في شاليه مارينا هيتفهموا ويعذروكي.

\*شاليه مارينا إيه؟؟ احنا معندناش شاليه ف مارينا!

- إيه ده هو أنا نسيتته؟؟ معلش جلّ من لا يسهو.. هتشتريك شاليه في مارينا كمان.

\*بس يا أحمد.. مش عارفة.. أصل أنا بحبك أوي وكده يعني.

- وأنا كمان بموت فيكي.. حد جاب سيرة الحب دلوقتي.

\*ماهو..

- بقولك إيه، الست كده جابت آخرها خلاص!

\*طب... أصل... طب ماقولتليش، الفيلا بتاعت القاهرة الجديدة بالتشطيب والديكورات ولا احنا اللي هنشطب؟

\*\*\*\*

## عريس لُقطة

- وأنت يا ابني شغال فين ووضعتك المادي عامل ازاي؟

\*تعرف يا عمي إن في 89.6% من الحالات، السؤال ده هو دايماً أول سؤال أبو العروسة بيسأله للعريس وده يدل على أفكار مادية متعفنة ومتأصلة في الساب كونشاس (Subconscious) بتاع الأباء اللي زي حضرتك؟

- نعم يا حبيبي؟! هي إيه دي اللي متعفنة؟! وإيه الساب كـمبش ده!!

\*تعرف كمان إن نسبة نجاح جواز الصالونات هي 91% مقارنة بجواز الحب اللي نسبته 71% وإن المعلومة دي هي اللي خلتنى آجي أقابلك على طول بدل ماخذ بنتك وأصعب معاها على كافيها ومولات مصر سنتين تلاتة الأول؟

- تصيب معاها؟! انت بتهزي يا ابني؟ انت مريض ولا شارب هباب من اللي بلشربوه!!

\*أنا مقدر تماماً حالة عدم الفهم والغباء اللي حضرتك فيها لأن ال IQ بتاعي أعلى من ال IQ بتاعك بكتير.. والفرق ده هيخلي حضرتك تفهم بالظبط 13% بس من كلامي بناءً على دراستي لإمكانياتك العقلية من خلال الشبشب اللي اني لابسه على البدلة اللي فيها 16 بقعة متداربة حاولت أكيد تشيلهم بسبرتو أبيض لأنك مستخسر تودها للدراي كلين..

- أنت قليل الأدب وصفيق وأطلع بره بيتي حالاً يا حيوان!!

\*عايزك تهدي يا عمي لأن عُدتك فوق الكلوبية أفرزت كمية أدرينالين دلوقتي  
رفع ضربات قلبك بمعدل 112% ورفع ضغطك السيستوليك والداياستوليك  
بنسبة 46% وده ممكن يؤدي لانفجار في أحد شرايين المخ ونصك التحتاني  
يجيله شلل.. فاهم يا عمي؟ نُصك التحتاني هيتشل..

- أهدى إيه وزفت إيه على دماغك ودماغ اللي خلفوك.. وبعدين تعال هنا، انت  
عرفت بنتي منين؟؟ أنهي بلوة سودا رميتك علينا؟

\*بنتك يا عمي وقع عليها اختياري بعد تحليل إحصائي ل 5670 بروفايل على  
فيسبوك.. وبعده معادلات مش هقولها لك لأنك بداني ومش هتفهمها، طلع إن  
احتمالات نجاح جوازي ببنتك هو 95.5% ودي أعلى نسبة نجاح من أي بنت  
تانية شملتها الدراسة.

- انت بني آدم مختل وغير طبيعي.. انت مكانك العباسية!! وأنا يستحيل  
أجوزك بنتي ولا أدخلك بيتي تاني.. برااa

\*كان في نسبة 98% إن رد فعلك يكون كده.. عشان كده يا عمي أنا حضرتك  
فايل يا ريت نبص عليه سوا.. شايف الصورة دي؟ طبعا عارف مين دي..  
افتكرتها؟ مارينا من 3 سنين.. شايف دي كمان؟؟ شاليه فايد من 4 سنين.. أما  
مجموعة الصور دي؛ فهي سكرين شوتس من مجموعة أكونتات حضرتك  
عاملها على مواقع الجواز العرفي.. الفلاش ميموري دي بقى، عليها سجلات  
حضور وانصراف وأذونات صرف مبالغ بدون وجه حق للعشرين سنة اللي  
فاتوا.. وأنا عارف وانت عارف الفلاش دي لو راحت الوزارة هيعملوا فيك إيه..  
- يا ابني برضو دخلتك عليا كانت شديدة حبتين.. راعي برضو إني أد والدك  
وكنت تاخذني بالهداوة..

\*احتمالات إنك تجيب ورا يا عمي كانت 100% ومدروسة بدقة.. وعشان كده  
أنا حضرت PDF فايل عليه البروبوزال بتاعي والريزوميه.. هفتجهولك  
دلوقتي على التاب عشان نقرأه سوا..

.. إيه ده؟ الشقة علينا؟

\*أبوة

.. طب يابني أنا بستفسر بس.. معلش الخط صغير مش عارف أقرأ أوي..  
العفش كله علينا؟!!!

\*أبوة

.. وماله.. ده اللي يجوز بنتين له الجنة.. والفرح كمان علينا؟!!

\*أبوة

.. وماله ده حتى الإشهار فرض.. طب معلش يا ابني استحملني أنا أد والدك،  
بالنسبة ليك يعني، مش هتشارك بأي حاجة خالص؟

\*مشارك بالفايل والفلاش ميموري يا عمي..

.. طب خير البر عاجله.. نقرأ الفاتحة؟

\*\*\*



\* لا عادي ده بقاله 3 سنين مانطقش ولا كلمة.. مافتكرش إنه هيحس بوجودنا  
أساسًا..

.. طب على البركة.. يلاً بينا ندخل، أنا عايز أحيكك على التقدم يا دكتور سيد  
مش هتصدق! كانت تايمه عني فين بس الإيجابية دي من زمان..

\* أدبنا دخلنا يا سيدي، ها، قوأي بقي، إيه موضوع الإيجابية معاك؟

.. بوست على الفيس يا دكتور سيد غيّرني حياتي.. قالك إن الإجابة هي  
الإيجابية والتفاؤل.. خليك بوزيتيف تلاقي نفسك فريش جدًا.  
\* جميل جميل.. قوأي بقي تأثيرها على حياتك يا أستاذ عصام.

.. أولًا وأنا جايلك دلوقتي معملتش ولا حادثة في الطريق! تخيل!.. ولا حكمة ولا  
بوسة ببوز العربية ولا الهوا.. العربية حالتها زي ما طلعت بيها من عند البيت!..  
ثانيًا مشتمتش غير 15 شتيمه قذرة بس لحوالي 3 سواقين تاكسيات و4 كارو  
و8 ميكروباصات.. تخيل!.. 15 شتيمه بس!

\* بهرج!! أستاذ عصام الطب النفسي قائم على الصراحة والشفافية.. مش  
هقدر أساعدك لو مش بتقوأي الحقيقة.. اللي حضرتك بتقوله ده مستحيل..  
كلنا عارفين إن الحد الأدنى للشتايم في المشوار الواحد هو 344 وإن لازم تاخذ  
بوستين تلاتة في بوز وشنطة العربية مع ما لا يقل عن 7 احتكاكات في البودي!

.. والله زي ما بقولك يا دكتور.. لا ومش كده وبس، ثالثًا بقالي أسبوع مكسرتش  
غير تليفزيون واحد بس وأنا بتفرج على السي بي سي والحياة الحمراء.. رابعًا أنا  
ومراتي بقالنا حوالي ست ساعات ونص ما اتخنقناش وحوالي 4 ساعات  
محدث من العيال طلب مني فلوس.. أنا مش مصدق!!

\* أستاذ عصام أنت لازم تجيبلي أدلة على كلامك ده.. أنت متوقع مني

أصدك؟؟!





## فانوس سحري

.. باسم ممكن أسألك سؤال؟

\*طبعًا يا حبيبتي اسألي.

.. لو لقيت فانوس سحري واحنا قاعدين دلوقتي، وطلعتك ماردممكن  
بحققلك ثلاث أمنيات، هتطلب إيه؟

\*أممممم.. سؤال صعب يا لبني.

.. هههههه.. صعب ليه بس يا حبيبي.. احنا مخطوبين بقالنا 6 شهر.. أكيد أول  
أمنية ان احنا نتجوز يعني وكده..

\*أبوة أبوة طبعًا.. بس برضو الموضوع محتاج شوية تفكير..

.. طب يا سيدي فكر.. ها؟

\*هممممم.. أول أمنية نفسي في جهاز أركبه مع كلاكس العربية، يشتم بصوت  
عالي أوي أوي شتايم متنوعة ومتفاوتة في درجة القذارة!

.. طبعًا يا حبيبي برافو عليك.. السواقة فعلاً زي الزفت والشوارع طين وأخلاق  
الناس زبالة.. أكيد بقى تاني أمنية إنك تعيش معايا في سعادة أبدية

\*انتي مستعجلة ليه بس يا لبني.. ماشي يا ستي هنعيش في سعادة أبدية إن شاء  
الله، اصبري بس سيبيني أفكر..

- اوكي اوكي.. فكر

\*تاني أمنية صعبة شوية بس نفسي يكون معايا عصاية سحرية وأنا سايق على الدائري.. العربية اللي أشاور عليها تختفي.. الميكروباصات بقى والنقل الثقيل وكل الستات اللي بتمشي 50 في نص الطريق..

- حبيبي، مش شايف إن أمنياتك يعني مش مهمة أوي وتافهة؟؟.. وإن أهم شيء الإنسان يكون سعيد مع الإنسانية اللي بيحبها.. ولا انت رأيك إيه؟؟ فاضلك أمنية كمان.. ركز كده قبل ما تطلبها.. ها؟

\*هممم.. حاضر مركز.. آخر أمنية يا ستي، عايز بالونة كبيرة أوي زي المنطاد تنفخ أول ما ادخل نص البلد أو المحور أو عباس العقاد أو البحر الأعظم أو مصطفى النحاس أو صلاح سالم أو قدام فرغلي بتاع العصير أو العباسية أو طريق أبو قير في اسكندرية وتطير بالعربية وتزلي في المكان اللي أنا عاوزه

- خلاص يا حبيبي خلصت؟

\*أيوة خلاص

- طب افتح ايدك كده.. أيوة شاطر.. دي الدبلة والمحبس أهم.. ابقى خلي المارد يشوفلك ركنة تحت البيت عندنا عشان تيجي تاخذ بقية الشبكة!

\*\*\*\*

## عصر بشندي

\*\*في مكتب عم بشندي الشيخ أبو سر باع\*\*

بشندي: ودلوقي عايذك تقولي إيه شكوتك؟ فين بلوتك؟ في أي حفرة كانت كبوتك؟

أنا: إيه يا عم الشيخ جو ألف ليلة وليلة ده؟ بلوتك إيه بس وكبوتك إيه! بشندي: إيه يا بو الكباتن، هو انت داخل مستشفى عين شمس التخصصي ولا إيه؟، ده مكان لامواخدة شعوذة وعفارت.. عايظني أكلمك أزي؟ لخص وانجز ورانا زباين كثير.

أنا: طيب طيب بلاش المعاملة الجافة دي! أنا جيتلك يا عم الشيخ بعد ما جربت كل الطرق لحل مشكلتي ومعرفتش..

بشندي: أيوة أيوة.. كلكوا كده.. مالكوش فيها بس تنطيط على الفاضي.. وبقالك أد إيه بقى يا حبيبي مجوز؟

أنا: إيه علاقة الجواز بالموضوع!

بشندي: مش بتقول معرفتش!

أنا: لا لا لا أنت فهمتني غلط خالص يا عم الشيخ.. أنا معنديش أي مشكلة في الجواز الحمدلله خالص.. كله زي الفل.. أنا مشكلتي في ال إنسبيراشن يا عم الشيخ.

بشندي: وماله ده كمان؟؟ التحليل طلعلك إيه يعني؟

أنا: يا عم الشيخ ما تركز مع اللي خلد.... ركز معايا أبوس إيدك. بقولك مشكلتي في ال إنسبيراشن.. الإلهام يعني.. مش لاتي أفكار لبوستات حلوة تعجب الناس على الفيس.. نبع الإلهام بدأ يجف ومحتاجك تساعدني عشان يرجع.

بشندي: ممممم.. قولتلي يا سيدي.. بسيطة.. نعمل جلسة تحضير عفاريت من اللي بيشتغلوا في إعلام الجن ونسألهم..  
أنا: أيوة كده يا عم الشيخ.. حلوة دي.. ماشي.

بشندي: طب إيدك على 500 جنيه مقدم، وبعد الجلسة 500 زهم.

أنا: 1000 جنيه عشان هت حضر كام عفرت في ربع ساعة؟؟ ليه يعني؟؟ ده انت لو هتجيبلي أوبرا بذات نفسها مش هتاخذ 1000 جنيه!

بشندي: هي دي الرسوم بتاعة الجلسة، لو مش عاجبك، اخلع وخليني أشوف غيرك!

أنا (بغیظ): رسوم؟؟ على أساس إني جاي داي يوز في بورتو سخنة؟ ماشي يا عم بشندي.. اتفضل ال 500 جند أهم!

بشندي: قشطة جدًا، شايف الزرار اللي وراك ده؟ دوس عليه.. وشد الدراع اللي جنبك ده لتحت..

أنا: هو أنا جاي ألعب جيم في ساير ولا إيه يا عم بشندي؟ مش المفروض ترمي شوية بخور في الطاسة دي وتقول كلمتين خزعبلات كده وبتاع؟

بشندي: انت فاكرني عم حزمبل في أغنية سعاد حسني؟؟ كل الشغل عندي  
ديجيتال وبأحدث الأجهزة!

أنا: ماشي يا عم أبل دوت كوم، أدينا دوسنا على الزرار وشدينا الدراع..

\*الإضاءة بتخف بالتدرج مع أصوات بعيدة متداخلة\*

أنا: إيه ده يا عم بشندي؟ إيه الأصوات دي؟

بشندي: كده احنا دخلنا العالم السفلي.. أو بمعنى أصح هو اللي طلعلنا..  
(بصوت عالي) احم احم.. لو سمحتوا ممكن عفريت بيقيم في البوستات  
بتاعت الفييس؟

«صوت عفريت عميق: مين بينادي.. انطق وقول أيها المجهول..

أنا (بخوف): أنا اللي بنادي يا عمنا العفريت.. كنت عايز مساعدة في ال  
السيبراشن عشان أكتب بوستات جامدة على فيسبوك!

العفريت: اكتب عن الحياة والموت.. اكتب عن الملكوت.. اكتب وانت عايش..  
اكتب في سكوت.. اكتب عن الهلפות.. عن الجزرة والكتكوت.. وشادية بنت  
البنوت..

أنا: إيه ده يا عم بشندي؟ انت فاهم حاجة؟؟

بشندي (بيكلم العفريت): انت اسمك إيه يا عفريت؟

العفريت: يوسف كامين.

أنا: مش طالبك خالص هنا كمان!! يا عم بشندي هو احنا بنفهم يوسف  
كامين النبي آدم عشان نفهم العفريت؟ سيبك منه وشوفلنا واحد تاني..

بشندي: طير انت يا يوسف وابعتلنا واحد تاني..

صوت عفريت جديد مع موسيقى رومانسية: مين طلبني؟

أنا: أهلاً يا أستاذ عفريت، طلبناك عشان تساعدني في ال إنسيبراشن بتاع بوستات فيسبوك..

العفريت: اكتبلهم عن فنون الحب وأسرار العشق والعلاقات ال...

أنا: بس بس ماتكلمش.. هو حضرتك اسمك إيه؟

العفريت: بالد يوسف.

أنا: هو انت هنا كمان! طب معلش شكرًا، شوقلنا واحد تاني.

صوت عفريت جديد: مين طلبني يا جدعان؟؟.. طلبك إيه يا برنس الليالي؟

أنا: أهلاً يا نجم، بقولك إيه، كنت عايز مساعدة أضريلي كام بوست جامدين كده على فيسبوك..

العفريت: حبيب قلبي الغالي.. اكتب في الشعبي.. خليك برنس مع الناس.. حته كوميديا، على كام إفيه، على رقصتين من بت مزة، الحياة هتبقى زبادي خلاط.. وانزل بالبوستات بتاعتك خميس وجمعة بس.. وقبل الأعياد.. إوعى تكتب أي حاجة مفيدة وخليك دايمًا في الهلس.. ولازم تجيب عيال ضريبة بورشام في البوستات بتاعتك ويا ريت لو تضرب معاهم.. وعناوين البوستات تكون مالهاش أي علاقة بموضوع البوست بس في نفس الوقت غريبة..

أنا: برنس والله.. هو ده الأداء.. أنا عارف أسمك إيه.. أحمد الدوبكي، صح؟

العفريت: لأ.. أحمد السبكي عادي!

\*\*\*

## تاخذ فيزا؟

.. هدير.. اعلمي شاي مضبوط لبابا.. وسحلب لماما.. وأنا عايز قرفة باللبن.

\*حاضر يا حبيبي.. حاجة تانية؟

.. أيوة.. حطي الحاجات على النار وتعالى لبسيني الشراب عشان سقعان..

بابا، سقعان أخلي هدير تجيبلك شراب بالمرّة؟

الأب: لأ يا حبيبي شكراً.. بس ماشاء الله مراتك بتسمع كلامك.. وبتلبسك

الشرابات كمان؟

..الله!. طبعاً يا بابا.. وبتجيبلي الإبريق أغسل أيدي بعد الأكل كمان لو مكسل

أقوم.. ناقص بس الحمام أشوفله حل ويبقى تمام.. هو ده الجواز المثالي.

الأم: أيوة كده يا مصطفى يا ابني.. بنات اليومين دول مدلعين.. الواحدة من

دول تفتح الأبصر إيه ده النت وتسيب جوزها والبيت يضرب يقلب.. لازم

لشكّمها وتوريها إنك راجل..

الأب: بس خد بالك يا مصطفى دول مالهمش أمان.. ممكن تنكد عيشة اللي

خلفوك!

الأم: قصدك إيه يا فوزي؟؟ اتسمى وقول يا مسا!

الأب: يا مسا!..

**\*\*هدير جابت المشروبات\*\***

- إيه ده يا هدير؟؟ انتي حاطة كام معلقة سكر في القرفة دي؟!

\*معلقتين يا حبيبي.

- أنا بشرب معلقتين وربع!!.. انتي بتستهيلي يا هدير؟؟ ألبسك القرفة ف خلقتك دلوقتي؟ امشي انجري اعمليلي واحدة تانية!

\*أ.. أ.. أنا آسفة يا حبيبي والله نسيت.. عيني حاضر.. دقائق وتكون عندك واحدة تانية..

الأم: جدع يا مصطفى.. راجل وتربية أمك يا واد.

الأب: يا شيخة حرام عليكي.. حرام عليك يا مصطفى كسرت بخاطر مراتك.. قوم صالحها بقى.

الأم: بس يا فوزي واتلم.. سيب الواد يربها.

- ما تقلقش يا بابا هي متعودة على كده.. تحمد ربنا إني استخدمت لساني بس!

الأم: هما البنات يتعدلوا غير بكده؟ الست إذا ماكنش جوزها يوربها مين راجل البيت هتتمرع وتركبه وتدلل رجليها!

الأب: انتي شايفة كده يا تفيدة؟

الأم: والله شكلك مش هتجيبها لبر يا فوزي!... مش شربت الشاي؟ قوم بينا نروح..

الأب: يا ولية احنا كملنا ساعة؟ ما تصبري شوية!

الأم: أنا قلت قوم بينا نروح يا فوزي!



.. ما انتوا قاعدين يا ماما شوية

الأم: لأ يا حبيبي أنا اتطمنت عليك خلاص ..

\*\*بعد ذهاب الأب والأم\*\*

.. هدير، حسابنا كام؟

\*كان 200 جنيه.. بس بعد الشخطة وقومي انجري دي، هزود 100 جنيه كمان

.. يا هدير مش كنت لازم أسبك الدور!

\*و سبكت الدور؟؟ ال 300 جنيه يا مصطفى!

.. طلب حاضر ماتشخطيش.. اتفضلي ال 300 جنيه أهم!

\*أهوه كده شاطر

.. أبوكي وأمك جاينين إمتي؟

\*آخر الأسبوع.

.. بكام الزيارة دي عشان أشخط فيكي شخطتين ولا حاجة قدامهم؟

\*500 جنيه.

.. لعنم؟؟ انتي مغلاوانية أوي!

\*كلمة كمان وهيبقوا 700!

.. طلب خلاص.. بتاخدي فيزا؟

\*\*\*\*

## إيه رأيك يا سها؟

- لو سمحت في من دي مقاس أصغر؟

\*أيوة حضرتك اتفضلي.. وقطن زي ما حضرتك طلبتي

- ممممم طب في منها على تركواز؟.. لأن بصراحة لوئها ده مش عارفة كده مش عاجبني

\*أيوة اهو اتفضلي.. وفي منها ألوان تانية كمان لو حضرتك تحبي تشوفهم.

- لا خلاص.. دي طيب؟ في منها على سيمون؟

\*أيوة يا فندم هناك اهي.. وحتى كمان في موديلات تانية لنفس اللون.

- لا بس دي مش سيمون أوي.. مش عارفة.. إيه رأيك يا سها؟

سها: جميلة والله يا حنان.. وهتليق عليك أوي بعد البرونزاج.

- مش عارفة... طب في على بيج شوية؟

\*أيوة حضرتك.. وأبيض وعاجي وأسود وأخضر!

- طب أقولك، مفيش منها قطن؟

\*لا والله يا فندم مفيش للأسف.. الموديل ده مش بيزل منه غير ليكرا.

- ممممم طب واللي هناك دي؟ في منها أسود؟

\* أبوة يا فندم حضرتك ماسكاها في إيدك الثانية.

سها، مالها دي يا حنان.. دي حلوة جدًا وكانت عاجباكي.

استني بس يا سها.. سوري معلش.. طب أخضر بقى، في منها أخضر؟

\* أبوة يا فندم دي أول واحدة حضرتك قستها من 3 ساعات لما كنا هناك عند الإستاند اللي هناك ده.

.. اه افكرت.. قصدي أحمر، في منها أحمر؟

\* الأحمر حضرتك شفتها برودو بعد الأخضر على طول.. ساعت لما طلبتي كوابية مايه عشان تاخدي قرص الفيتامين!

.. ههههه صحيح افكرت فعلا.. طب سعر الفستان ده قبل الخصم ولا بعد الخصم؟

\* بعد الخصم يا فندم.

.. ممممم مش عارفة.. إيه رأيك يا سها؟

سها؛ جمبيبييل جدًا يا حنان.. هايل.. تحفة.. ولونه رائع

.. ممممم مش عارفة.. أبوة، الفستان ده بقى.. في منه لون غامق شوية؟

\* هو أسود يا فندم.. أغمق من كده إيه؟

.. مش عارفة.. إيه رأيك يا سها؟

\* بولك إيه.. أنا خلاص مش هبيع!! اطلعي برة خلاص هنقفل.. ولا إيه رأيك يا سها!!

\*\*\*\*

# الشورية

- ألو.. أيوة يا طارق، انت في الشغل صح؟

\*أيوة في الشغل..

- وطبعًا هتتأخر عشان عندك شغل كتير أوي ومش هتيجي غير بالليل متأخر

صح؟

\*برافو عليكي أيوة صح..

- وأكيد مش فاكّر النهارده إيه، صح؟

\*لأ فاكّر عادي النهارده الأربع..

- هممم.. لأ أنا كان قصدي إن النهارده عيد جوازنا.. بقالنا 10 سنين

متجوزين..

\*إيه ده؟ فعلاً؟ اتصدقي نسيت خالص!

- مفيش مشكلة يا حبيبي.. عمومًا أنا مجهزة عشًا ليا أنا وانت بس في البيت

ومحضراك مفاجأة بالمناسبة دي!

\*والله؟ طيب طيب.. محاول آجي بدري شوية.

\*بعد 12 ساعة في البيت\*

\*إيه ده انتي لسه صاحية يا مها؟

- طبعًا يا حبيبي مستنيك..

\*معلش أصل الشغل بقى انتي عارفة وزحمة الشوارع وكده!

.. ولا يهملك يا حبيبي مفيش أي مشكلة..

\*إيه ده أمال العيال فين؟

.. لا العيال عند ماما من الصبح عشان نحتفل أنا وأنت بس.. يللا غير هدومك  
ولعالى عشان نتعشى مع بعض..

\*لا أغير هدومي إيه.. نتعشى الأول..

.. براحتك..

\*بيقعدوا على تراييزة الصفرة ويبدأ أكل\*

.. ها؟ إيه رأيك يا حبيبي في الأكل؟

\*جميل طبعًا تسلم إيديكي.. أمال فين المفاجأة؟

.. ما تستعجلش يا حبيبي.. اشرب بس الشوربة قبل ما تبرد.

\*حلوة أوي الشوربة دي.

\*والمحشي ده تحفة

\*إيه ده.. أنا حاسس بتقل جامد أوي ف دماغي.. مش قادر أكمل أكل.. إيه ده  
يا ساتر.. أنا مش....

.. لسه هتحس بتنميل في أطرافك كلها.. ومش هتقدر تتكلم ولا تحرك أي حنة  
ف جسمك.. بس هتكون واعي وهتسمع كل كلمة هقولها ..

\*ها..... م.....

.. ماتحاولش تتكلم واسترخي خالص.. دي آخر نص ساعة في عمرك.. حاول  
مرة قبل ما تموت إنك تسمعني من غير ما تأفأف ولا تنام ولا تقولي مش فاضي

\*.....

- بقالي 10 سنين بغسل وبطيخ وبشترى الطلبات وبذاكر للعيال وأخدهم المدرسة وأجيهم من المدرسة.. بعد ما طلع عين أهلي 7 سنين في طب، و3 كمان في الماجستير، اخترت إني أقعد في البيت عشان عيالي.. وانت ولا بتقدر.

- بقالك 10 سنين متعرفش أي حاجة عن البيت.. وسهر برة وعلطول عامل نفسك في الشغل ومش واخذ بالك من الخدمة اللي بتحرق عمرها في البيت.

- وطبعًا فاكر إني غبية ومعرفش حاجة.. مكالمات نص الليل ورسايل الواتس والفيس و...و...و....

- 10 سنين وأنا أقل حتى من الخدمة .. 10 سنين ماشتكيتش فهم ولا قلت بم.. 10 سنين وانت بتكذب وتألف حوارات.. 10 سنين بسمع مكالمات بعد نص الليل وانت فاكرني نائمة.. 10 سنين وأنا بقول لئنفسى بكرة يتعدل.. 10 سنين ماتعرفش حاجة عن العيال.. 10 سنين كأنك عايش في لوكاندة مع ناس غريب..

\*.....

- طبعًا نفسك ترد وتألف كذبة جديدة من كذبك اللي ما بينتهيش..

- لما جيت أحط الخطة دي، واجهتني مشكلتين.. أول مشكلة المصاريف.. هنحتاج فلوس بعد ما تموت انت وكده.. ثاني مشكلة الجثة هعمل فيها إيه.. مش معقولة كمان يعدموني بسببك.. ده حتى انت ماترضهاليش!

- والحل جالي ف لحظة انكشاف.. حل هيخلصني منك للأبد بدون مشاكل.. طبعًا هتموت وتعرفه ههههههه.. بس كنوع أخير من العقاب، مش هقولك عليه.. أبقي أعرفه في الآخرة بقى..

- ياااه.. انت مش متخيل كمية الراحة النفسية اللي أنا فيها دلوقتي.. وانت قاعد قدامي بتسمع كل الكلام ده..

- تعرف إن كل أبحاث علم النفس بتقول إن مجرد مصارحة الشخص بحقيقة  
مشاعرك وأفكارك الشريرة ناحيته بتخليك مرتاح؟ فعلاً يا طارق كلامهم  
صحيح!!.. أنا مرتاحة جداً دلوقتي ومش شايلة منك خلاص تخيل !!

- أسببك بقى دلوقتي تستمتع بلحظاتك الأخيرة وأقوم أنا عشان عندي كام  
تليفون لازم أعملهم ..

- الو.. أيوة يا دكتور.. كان عندي بس سؤال بخصوص البحث اللي قلت  
لحضرتك عليه.. بتأكد بس من الدوا والمفعول بتاعه.. المريض مش بيبتكر  
أي حاجة.. تمام.. 7 ساعات بالكثير.. متشكرة جداً يا دكتور.. خلاص تمام..  
مع السلامة.

\*ثاني يوم الصبح\*

- طارق.. طارق.. صباح الخير.. يلاً قوم هتأخر على الشغل.

\*يااه صباح النور.. إيه ده.. هي الساعة كام؟

- الساعة 7

\*إيه ده أنا نمت كتير أوي.. هو احنا نمنا الساعة كام؟

- أبداً يمكن 12 كده بعد العشا.. هو انت مش فاكراً أي حاجة من اللي حصلت  
امبارح؟

\*لأزاي فاكراً طبغاً.. هو المحشي اللي انتي كنتي عامله ده يتنسي؟؟

- مش فاكراً أي حاجة تانية خالص؟؟

\*و الشوربة طبغاً!

\*\*\*\*\*

## إنسيبشن – Inception

- إيه الجهاز ده يا تامر؟

\*مالكش فيه ومش هتفهم!

- ياعم بلاش الجلافة دي.. اشرحلي بس..

\*تصدق عشان كلمة جلافة دي بس أنا هشرحلك!

- اشمعنى يعني؟

\*عشان واحد زيك مش هتطلع منه كلمة جلافة دي إلا إذا كان قرأله كلمتين في أي كتاب!

- ماشي يا عم إرنست هيمنجواي.. فهمني بقى..

\*تصدق ياد أنا هشرحلك فعلاً؟ يخربيتك عرفت هيمنجواي منين؟

- يا عم قول بقى ماتفلقش دماغ أمي!

\*حاضر.. شوفت فيلم إنسيبشن؟

- أه..

\*أهو ده بقى الجهاز اللي بيدخل الناس في الحلم عشان نقدر نزرع ف دماغهم فكرة أثناء الحلم ده.. لما يصحوا مش بيفتكروا الحلم بس بتفضل الفكرة مزروعة ف دماغهم.





\*ممممم.. طب قشطة.. خد الجهاز H هو.. يومين بالظبط!

- حبيب قلبي يا عبقري!

\*\*في معمل الشركة\*\*

- خلاص يا أنسة هالة تمام، أسيبك أنا بقى مع الجهاز.

\*ميرسي أوي يا خالد.

- يوسف..

نعم؟

- اسمي يوسف

\*آه سوري معلش... ميرسي أوي يا يوسف على الفرصة العلمية دي.

- دي حاجة بسيطة يا هالة والله... دوسي بقى على الزرار الأحمر ده.

\*\*هالة ويوسف داخل الحلم\*\*

\*إيه ده.. أنا فين.. وإيه الديناصورات اللي هناك دي؟

- متخافيش يا هالة... أنا هموت كل الديناصورات دي...

\*تموتها إيه يا جاهل؟؟ دي فرصة هايلة ماتتعوضش.. تعال نقرب كده نشوف

بياكلوا إيه!

- نقرب؟؟ انتي مجنونة؟؟ أنا جايب معايا دبابتين.. خلينا نموتهم ونخلص

وأبقى أنا.

البطل وتحببني بقى!



## على ناصية البيدج!

- شوف بقى يا دكتور عبدالكريم... أنا عاوز جهاز يفتتني ويحولني لإشارات  
ديجيتال زي إشارات الكومبيوتر..

\*همممم... عادي بسيطة... بس ليه؟

- عندي بيدج على فيسبوك يا سيدي... وعاوز أدخل أقعد جوة على أول  
البيدج... وأي حد يقرأ من غير ما يتفاعل آخذ منه رسوم!

\*مش فاهم.. قصدك إيه؟

- دلوقتي أنا بكتب بوستات على البيدج دي ماشي؟

\*ماشي وبعدين؟

- في ناس بقى بتدخل تقرأ وتجري من غير ما تتفاعل بأى رباكشن!

\*طب وإيه المشكلة يعني؟

- بيجيلي إحساس كده إن واحدة دخلت محل جاتوهات وكلت تور تاية وبعدين  
جريت من غير ما تدفع حاجة.. إحساس وحش أوي يا دكتور عبدالكريم.. كأن  
واحد عشم واحدة بالجواز وخرجوا مع بعض وبعدين غير نمرة الموبايل  
ونفضلها.. عارف الإحساس ده يا دكتور؟

\*لا مش عارفة.. أصل أنا بقى اللي بيغير نمرة الموبايل هههههههه

.. يا دكتور أنا مش بهزر.. الموضوع فعلاً ما.....

\*\*الزوجة بتنادي: محمد.. جبت المسحوق اللي قلتك عليه الصبح؟

.. حاضر ثواني بس بتكلم مع دكتور عبدالكريم ف موضوع كده.

الزوجة: موضوع إيه!! عايزة أغسل.. فين المسحوق؟؟

.. يا ستي حاضر.. أخلص بس مع دكتور عبدالكريم!!

الزوجة: خليك انت ورا فيسبوك والتفاهات دي وأنا بقى معرفش أغسل! يا

خالو ماتسمعش كلامه ده خلاص الإنترنت لحس مخه!!

.. اهمدي بقى خليتي أعرف أقول الكلمتين مع الراجل!!

\*يا محمد ماهي عندها حق بردو.. حد ينسى المسحوق عشان عايز يبقى

ديجيتال ويقعد يشتغل كاشير على أول البيديج يحاسب على البوستات؟

.. حتى انت يا دكتور؟؟ طب بنت أختك وبنستحملها عشان هي مخلوق نسائي

مش زينا.. تقوم انت كمان تقوللي مسحوق؟؟ ركز معايا بس أبوس إيدك.

\*حاضر يا محمد.. أسبوع والجهاز هيكون جاهز.

\*\*\*بعد أسبوع محمد قاعد جوة البيديج على رأس البوست\*\*

.. كابتن.. يا كابتن.. انت مش قرئت؟؟ رايح فين؟؟ اكتب كومنت قبل ما تمشي!

\*اكتب كومنت ليه ما أنا عملت لايك؟؟

.. عشان شُفتك البوست اللي فات قرئت وطلعت تجري.. هتكتب كومنت ولا

تدفع 5 جنيه؟

\*يا عم الله الغني عن البيديج دي.. أنا ماشي!

- خد تعال هنا.. يا كابتن.. كابتن.. مشي ابن ال.... وانتي يا آنسة؟ واقفة هنا بتعملي إيه؟؟

\*واقفة يا أخي وانت مالك؟

- لا يا ماما ده مش موقف القطر.. مفيش حاجة اسمها واقفة وخلص.. اعلمي أي نشاط..

\*نشاط؟؟ إيه أتحزم وأرقص يعني؟؟ عبيط ده ولا إيه!

- مش عايزين الاستهبال والنصاحة بتاعة المصريين دي وحياء والدك.. اكتبي كومنت ولا اعلمي شير.. أي مصلحة كده!

\*طب إيه رأيك بقى مش عاملة حاجة؟ انت هنا دييجيتال يا بابا.. يعني ولا ليك أي لازمة!

- يا سلام! طب أنا بقى ه....

\*\*\*محمد.. يا محمد..

- إيه ده مين اللي بينادي؟؟ يا ساتر يارب فيروس ده ولا إيه؟؟

\*\*\*فيروس؟؟ أنا مراتك يا خويا.. فين أم الزيت؟؟.. الزيت خلص وعايزة أحمر بطاطس للعيال!

\*\*\*\*

## برة الصندوق!

\*\*\* موقع بناء مدينة سكنية كبيرة \*\*\*

مرورة: هنعمل المقابلات هنا يا إنجي؟

إنجي: ده أفضل مكان يا مرورة.

شيرين: ليه بقى يا ست الباشمهندسة إنجي؟

إنجي: أولاً ده مكان شغلنا.. يعني العرسان هيشوفونا على الواقع.. بدل شغل الكافيات والفرايبيتشينو وسهوكة البنات دي.

مرورة: أنا بحب الفرايبيتشينو والسهوكة يا إنجي! وبعدين معرفتش ألبس حاجة بكعب .

إنجي: عارفة يا مرورة لو سمعتك بتقولي كعب وروج ومسكرة وأبلاير والحاجات الزبالة دي، مسحب منك كارنيه النقابة وأحطة ف خلاط الخرسانة اللي هناك ده.

شيرين: ماشي ماشي بطلوا الكلام التافه ده، المهم.. في سبب تاني لإختيارك المكان يا إنجي؟

إنجي: طبعاً.. هنا موجود عيسوي والزني وعلوية ملاحظين العمال.. يعني اللي هيفكر بس يخرج عن حدوده، هيضططوه.

شيرين: يا بنت الإيه يا إنجي!.. والله اختيار هایل فعلاً.. أنا لو كنت أعرف إن  
مدني ببيقوا جامدين كده كنت دخلتها بدل ميكانيكا باور والههم الأزرق ده!  
مروة: أحسن من كهربيا ياختي.. احمدي رينا.. على الأقل لما تموتي مفرومة جوا  
مكنة، أحسن لما تولعي صعقًا بالكهرباء!

إنجي: سيبكوا بقى من الهري ده دلوقتي.. العرسان زمانهم على وصول.

\*\*\*مجموعة العرسان الأولى\*\*\*

- صباح الخير.

\*صباح النور اتفضلوا.

- نتفضل فين؟

\*اتفضلوا على كوم الزلط اللي هناك ده..

\*ها؟ قدموا نفسكوا..

- أنا قرئت إعلان في الجرنال بيقول مطلوب شحنة 3 عرسان على بعض  
لفرصة زواج عميقة وعظيمة.. فجبت اتنين أصحابي من على القهوة وقلنا  
نيجي نشوف إيه الموضوع!

\*ممممم.. بتشتغلوا إيه؟

- محاسبين.

\*انت اللي لابس لموني أنت، مساحة سطحك وارتفاعك كام؟

- نعم؟!

\*طولك كام يعني؟



\* لا مش هتاكل معانا في الصبية.. وانت ياللي بتلعب في الموبايل. الخرج بتاعك  
 كام وات؟  
 .. أفندم؟!

\* متقدر يعني على الجواز ولأ نظامك إيه؟؟ شايفاك ممصوص كده زي اللي  
 عنده حمى الوادي المتصدع!  
 .. المتصمع؟!

\* الشحنة دي مضروبة.. شكرًا أوي على مجهودكوا معانا يا رجاله.. طريقوا  
 أخضر.. من على أول الشارع ممكن تاخدوا ميكروباص يطلعكوا على  
 الدائري..

### \*\*\*المجموعة الثانية\*\*

.. إيه ده انت جاي لوحدك ليه؟ الإعلان بيقول شحنة 3 على بعض!

\* ههههههههه.. أنا قلت آجي أتفرج بصراحة.. إيه ده؟ ههههههههه

.. جاي تتفرج ها؟ عيسوي.. يا عيسوي

عيسوي: أيوة يا ست الباشمهندسة!

.. الأستاذ جاي يتفرج.. خده لفة كده.. واتوصى ها؟

عيسوي: عيني يا باشمهندسة.. قدامي يا ظريف! \*طاااخ\*\*

### \*\*\*المجموعة الثالثة\*\*

.. بووووهه.. متنيل جاي لوحدك ليه؟؟ جاي تتفرج؟؟

\*لأ.. أنا جاي أتجوز.

- احنا شروة على بعض.. مفيش واحدة فينا هتتجوز قبل الثانية!

\*طب تمام أوي.. ده طلبي.. أنا عايزكو انتوا الثلاثة

- نعم؟؟!!!

\*هتجوزكو انتوا الثلاثة.. في إيه؟

- يا عيسوي!.. يا زيني!.. يا علي-----وة!!

عيسوي: أيوة يا ست الباشمهندسة.. ناخدو نفرجو؟

- لأ يا عيسوي، ده على خلائط الخرسانة عدل!! .. وبعد ما تخلصو، هات

مأذن وتعال انت والرجالة.. خلاص انتوا الأمل الأخير!!

عيسوي: مأذن ليه يا باشمهندسة؟

- لازم نفكر برة الصندوق يا عيسوي.. انت والرجالة أنسب عرسان لينا..

فاهمين شغلنا وأدينا ب إيدين بعض بقى!!.. فرحنا كلنا النهاردة يا عيسوي!..

انت والزيني وعليوة.. علينا احنا ال3 مهندسات!

عيسوي: يا ألف نهار مبروووك!!

\*\*\*\*

# سيلفي!

.. صباح الخير يا ست الكل.

\* صباح النور يا حبيبي..

.. ماما أنا قررت أتجوز..

\* الف نهار أبيض يا عيون ماما.. البس ويللا بينا على جامعة الأزهر!

.. نعم؟؟

\* إيه يا واد مالك؟.. هنروح ننقي عروسة من هناك!

.. يا أمي بقولك عايز أتجوز!

\* أهوة يا حبيبي هو أنا بقولك هنروح تكشف؟ دي مليانة عرايس زي الفل..  
بكرتوتهم.

.. يا أمي هي تلاجة إيديال!

\* وإيش فهمك انت يا حمار.. قوم ألبس بس.

.. طلب جامعة بجامعة ما نروح عين شمس أو القاهرة طيب!

\* عين شمس والقاهرة؟؟ اللي البنات فيما طول النهار يتصوروا سيلفي وياكلوا  
برجر ويشربوا بيبسي؟ اسمع كلام أمك.. بنات جامعة الأزهر معمرين  
ومقاطعين البيبسي.

- و ماله البيبسي يا أمي بس .

\*معرفش بقى.. أنا بحب شوبس.. هتقوم تلبس ولا نروح نشوف عروسة من  
عند أخويا في البلد؟

- خلاص مش عايز أتجوز .

\*يا ابني اسمع كلامي.. البنات اللي راوشينك دول الواحدة فيهم لو دخلت  
المطبخ تسلق بيضتين بتقعد تتعالج بعدها اسبوع!

- هما بنات الأزهر دول الشيف الشيربيني يعني!

\*لأ بس مش بيتصورا سيلفي.. قفاضيين بقى.. بيطلعوا مهمهم في شغل البيت..  
الواحدة منهم لهلوبة!

- بس يا أمي أ.....

\*ماقيش بس.. يلاً قوم ألبس..

\*\*\*أمام جامعة الأزهر\*\*\*

- السلام عليكم يا بنتي .

\*أهلاً يا طنط وعليك السلام .

- طنط؟! انتي في جامعة الأزهر يا بنتي؟؟

\*أبوة يا طنط .

- أمال ايه طنط دي؟!.. ما علينا.. أنا نازلة أدور لأبني أحمد اللي قاعد هناك

ف العربية ده على عروسة..

\*هههههه.. انتي قديمة أوي يا طنط.. طب ونازلة عند جامعة الأزهر ليه؟

شان اختار عروسة كاملة من مجاميعه.

هههههه والله يا طنط انتي جميلة أوي.. تعالي تعالي.

ايه ده؟ انتي متعملي إيه؟

المصور معاكي سيلقي!

\*\*\*\*

# العيب القاتل!

- مازن.. كفاية كده بقى.. احنا لازم نصاح بعض بعيوبنا ..

\*يا حبيبتي أنا شاركي بعيوبك وسلطاتك وبابا غنوجك كمان .. ههههههههه

- قديمة أوي سلطاتك وبابا غنوجك دي!

على فكرة من ضمن عيوبك إنك سمج وفاكر نفسك كوميدي!

وكمان إيدك عاملة زي خُفّ الجمل.. مش قادرة أتخيل إن الإيديين دي تلمسني !!

\*انا عارف إن الكلام ده من ورا قلبك يا روجي..

-يا مازن أفهم.. أنا وافقت على الخطوبة عشان بابا كان تعبان وعايز يفرح بها قبل ما يموت.. فبصراحة قبلت بأول واحد أتقدم وخلص!

\*وبقت أجمل خطوبة.. ربنا يخلينا لبعض دايماً..

- طب بلاش عشان عيوبك انت.. بصراحة كده أنا فيا عيوب كتير أوي ..

\*عارفها كلها.. وبموت فيكي برضو.

- لا انت متعرفش عيويي كلها!.. أنا لو اتترفزت ببقى حاجة تانية خاااالص!!

\*و فيها إيه؟ ما كلنا كده.. والناس بتستحمل بعض والحياة بتمشي..

- اسمع كلامي احنا لازم نفرکش الخطوبة دي يا مازن ..

\* ربهام: إوعى تقولي كده تاني أبدا.. يا ربهام انتي ماتعرفيش أنا بحبك أد ايه..  
كل ده عشان ايدي اللي زي خف الجمل؟؟.. إلا طبعا لو كان إصرارك على  
الفركشة ده وراه سبب كده.....

كده ايه؟؟

\* واحد تاني!

.. انت بتتهمني بالخيانة؟؟؟؟!!

\* ما هو بصراحة مفيش أي تفسير غير كده! .. أساسًا من ساعة ما اتخطبنا  
واللي رافضة نخرج مع بعض.. رافضة نتكلم لوحدها.. وأول مرة توافقني نخرج  
لوحدها، بتقولي نفركش !!

.. مفيش لا واحد تاني ولا تالت.. أنا بنت ناس ومش بتاعة الحركات الزبالة  
دهي.. واللي أنا كنت بعمله ده لمصلحتك!

\* لمصلحتي؟ بطلي بقى اسلوبك المتعالي ده ف الكلام! عمال أجر معاكي ناعم  
والتي معنديش دم.. بتتكلمي زي ما تكوني بنت عمدة كفر الموزز!

.. إيه كفر الموزز ده؟

\* أهو أي داهية بتيجي منها البنات اللي فاكرة نفسها بتاعة وعاملة فيها أنجلينا  
جولي!

.. مازن

\* بلا مازن بلا زفت بقى!

.. أنا حذرتك تفرغني.....

\*إيه ده!!!! انتي أسنانك بتطول كده ازاي!! وعينيكي بقى لونها أحمر كده  
ليه!!!! إيه ده ربهام انتي هتعملي إيه!!!!!! ربهام!!!!!!!!!!!!!!!!!!!!!!م.....

\*\*\*

- يا فندم أنا عمري ما شفت كده طول شغلي في المباحث!! الجثة مشوهة  
تماماً... ومش متبقي منها حاجة تقريباً ..

\*تفتكر ده حيوان مفترس؟

- اللي يعمل كده أكيد قطع يا فندم مش حيوان لوحده.. بس في حاجة غريبة  
شوية مش لاقيلها تفسير

\*حاجة إيه؟

- الايدين بتاعت الجثة سليمة خالص.. الوحش اللي أكل الجثة مجاش  
جنها!!

\*\*\*\*



## ميت غمرون

**\*\*سيكشن علوم قسم الفيزياء\*\***

.. انا بفكر أقوله الموضوع ف ليلة دخلتنا.. إيه رأيكوا يا بنات؟

لكل فعل رد فعل زي ما نيوتن قال يا نبي.. انتي درستي رد فعله؟

.. أساسا ممكن يكون ما يعرفش نيوتن!

\*سعبة شوية يا نبي.. ما تخلها ف الحنة..

.. فدام الناس كلها كده؟ لأ لأ.. أنا عايزة نكون لوحدينا لما أقوله حاجة زي

كده.. ماتنسوش إنه مدرس فرنساوي.. يعني مالوش ف الخيال العلمي

خالص..

\*طلب يا نبي خلاص.. ماهو بصراحة لازم الموضوع يتعمل.. قسم الفيزيا كله

معاي.. وأية من كيميا كمان معانا..

.. ربنا يستر بقى.

**\*\*\*ليلة الدخلة - أوضة النوم\*\***

.. يااااه يا نبي.. أخيرًا اتجوزنا.. الحمدلله..

\*وائل، كان في حاجة كده عايزة أكلمك فيها..

.. عارف يا حياتي.. فلوس النقطة همدفع بيها مقدم العربية.. أنا عامل حسابي

\*لأ مش هينفع.

- يا بنتي أنا مجامل طوب الأرض.. يعني فلوس النقطة هتبقى كثير أوي.. ده أنا بفكر أجيب آيفون ليا وليكي كمان بعد ما تدفع مقدم العربية!

\*في حاجة لازم تعرفها الأول..

- إيه عليكي ديون؟ عادي ندفعها من فلوس النقطة بردو مفيش مشكلة..

\*يا وائل ركز معايا بس..

- ايه يا حبيبتي قولي.

\*أنا مش من كوكب الأرض!

- ههههههه.. طبعًا يا روجي انتي ملاك من السما.

\*لأ حقيقي أنا مش من كوكب الأرض.. أساسًا من مجرة ثانية كمان!

- مجرة ثانية؟؟ يعني انتي مش من المنصورة؟

\*يا وائل بقولك مجرة ثانية تقولي المنصورة! أنا مش من النظام الشمسي ده خالص.. أنا من كوكب يبعد عن الأرض 2 مليون سنة ضوئية!

- نهى انتي شربتي من العصير اللي أمك حطته ف التلاجة؟ أنا شاكك إن صلاحيته منتهية على فكرة!

\*يا وائل انت مش مركز معايا خالص.. بص كده على السقف.

- بسم الله الرحمن الرحيم!!!!.. أعوذ بالله من الشيطان الرجيم!!!! إيه ده!!!!

\*ده رسم هولوجرامي للمجرة بتاعت الكوكب اللي أنا جاية منه.. كوكب ميت غمرون!!

ميت غمرون دي جنب أجا يا نهي انتي بتستهيلي!!

\*نفتكر يعني الاسم ده جابوه منين؟؟ ماهو عشان أجدادي وصلوا من 500 سنة بعمر الأرض واستوطننا المكان وسميناه على اسم كوكبنا!

.. لا لأ.. نهي الجميلة الرقيقة اللي أنا حبيبها تطلع مخلوق فضائي من ميت غمرون؟؟؟؟؟ طب وبتتكلمي مصري كده ازاي؟؟؟؟

\*نفتكر اني دايماً بحط الموبايل جوة الطرحة وانا بتكلم صح؟ ده جهاز ترجمة بين اللغة الميت غمرونية والمصرية.. لحد ما اتعلمت اللغة!

.. أنا مش مستوعب حاجة خالص!!.. انتي شكلك بنت طحن!!.. مزة كمان!!.. ازاي بس!!

\*بص كده ورا الستارة.

.. إيه ده مين دول؟؟!

\*دول رفيقاتي من الكوكب.. كلنا دخلنا علوم عشان نقدر نستخد العلم بتاعنا ولساعدكوا.

.. دول بيطلعوا نور من كل حته ف جسمهم يا نهي.. سبحان الخلاق العظيم!

\*أنا برضو كنت بنور زمان قبل ما أحبك.. لأن اللي تحب واحد أرضي نورها بهطفي على طول.

.. ودول بيتكلموا مصري زيك؟

\*لأ لسه.. أنا استدعيتهم من الكوكب مخصوص عشان تصدقني.. بس كل واحدة فيهم حاطة موبايل جوة الطرحة زي ما انت شايف.. يعني هما فاهمين كل اللي انت بتقوله.



\* ده جهاز الليزر.

\* طلب والنور اللي بيطلع من جسمهم!!

\* دي أية جابتلنا فسفور من معمل الكيميا.

\* طلب والعصير اللي أمك جابته؟ منتهي الصلاحية صح؟

\* اتصدق اني هبعثك ميت غمرون فعلاً!!

\* لا خلاص.. يااااه.. يا ساترررر... أنا لازم أروح أكشف بعد الخضة دي !!

\* وئي خضة كمان..

\* إيه تاني؟

\* نعم جهاز الليزر والفسفور..

\* ماله؟

\* هندفعهم من فلوس النقطة!

\*\*\*\*

# الإقرار!

- والله يا عمي أنا ليا الشرف إني قابلت حضرتك النهارده..

\*شوف يا برنس.. فكنا بقى من الهري وشغل الإنترفيوهات ده.. نخش على  
المفيد

- هههههه.. برنس؟ والله يا عمي انت عسل.. خش على المفيد.

\*بقى يا نجم أنا مربى عروسة تتكلف وزنها لامؤخذاة ذهب.. شعرها لوحده  
مكلفني 60 ألف جنيه إلى الآن.

- احم.. مش فاهم يا عمي!

\*زي ما سمعت كده.. شعرها مكلفني شامبوهات وبلسم وماسكات وفيتامينات  
وخميرة وكرياتين وأعشاب وحنة وكوافيرات ومكاوي وسشوارات حوالي 60  
ألف جنيه.

- مش عارف أقولك إيه يا عمي الصراحة!

\*استنى بس.. عندك بقى الشاسيه.. اللي هو هيكلها العظمي يعني.. مكلفني  
من وهي لسه ف بطن أمها.. سونار بقى وأشعة تلفزيونية وكالسيوم وكميات  
لبن لا حصر لها.. وبعد ما اتولدت خد عندك فيتامين د وبيض وأجبان و.. و..  
كل ده عشان أرتبي شاسيه جامد يستحمل بهدلة الزمن وخلفة العيال وتربيتهم  
والموصلات والقذارة دي.. حاجة كده ألماني!

.. مش شايف يعني يا عمي إنك بتتكلم عنها يعني بطريقة كده يعني م.....

\*ولسه يا حبيبي ولسه.. عندك بقى كريمات بشره وصابون حساس وواقيات  
شمس وسكراب (صنفرة يعني).. ده غير مكياجيات وأورجانك بروداكتس  
وشاور جيل وبودرة تلك وعسل وزبادي وخيار.. الخيار لوحده كلفني 4000  
جنيه!!

.. طلب يا عمي أنا مش جاي أشتري عر....

\*والتعليم... كله كوم والتعليم كوم... يعني مش اهتمام بالجته بس.. اهتميت  
بالعقل كمان.. وكتب وروايات ومسرحيات وأوبرا.. تصدق إنني كنت باخدها  
أمسيات شعرية والأوبرا؟

.. ليه يا عمي يعني؟

\*عشان ذوقها يبقى راقى يا بني آدم.. شوف ده صرف كام!

.. يعني يا عمي التقويم بالفلد.....

\*ده غير بقى الغريزة.. غريزة الأب.. الحب اللي مش بإيدي واللي مسيرك  
هتفهمه في يوم من الأيام..

.. أنا الحقيقة مش عارف حضرتك قولتلي المقدمة الطويلة العريضة دي ليه!!  
عشان الشبكة يعني والقايمة والمؤخر وكده؟

\*حمار..

.. أفندم؟!!

\*بقولك حمار.. بعد كل اللي أنا عملته ده وصرفته ده.. مش هاخذ منك ولا  
مليم!

- طب والشبكة؟

\* ما يهمني.. زي ما انت عايز.

- والقايمة

\* صفر.. مش عايزها

- و المؤخر؟

\* اتنين جنيه ..

- أمال انت عايز إيه يا عمي؟

\* في حالة إنك ظلمتها أو ضربتها أو عملت معاها أي حركة قدرة من بتروح  
الرجالة، مستخدم معاك ورقة واحدة بس عايزك تمضيلي عليها دلوقتي..

- ورقة إيه؟

\*"أقر أنا الموقع أدناه فلان الفلاني أنني انتحرت بحقنة هواء وأنا بكامل قواي  
العقلية. وهذا قراري بعد أن سنمت الدنيا وما فيها. وأرجو من الله المغفرة ومن  
أهلي أن يسامحوني!!"

\*\*\*\*



## مشوار

\* أهوة يا أحمد.. أنا جايلك ف الطريق أهو.. أهوة جاي ف تاكسي.. يا عم  
هلوك ف الطريق.. القعدة تمام؟؟.. المزز وصلوا؟؟ طب قشطة ..

.. انت عبارة عن 16 عنصر.. تخيل!

\* انت بتكلمني يا أسطى؟

.. شوية كربون على هيدروجين على أكسجين.. و 13 عنصر كمان ..

\* طلب براحة طيب... انت سايق بسرعة كده ليه؟؟

.. جسم الإنسان يحتوي على 6 لتر دم.. تخيل!

\* يا عم ربنا مايجبش دم!! في إيه بس!! يا ساتر يارب.. في إيه يا أسطى فهمني..

وأبوس إيدك وقف العربية!! انت سايق بسرعة أوي!

.. ثلاث أرباع وزنك مائة.. تخيل!

\* يا أسطى في إيه بس.. استهدى بالله.. وقف العربية على جنب الله لا يسينك..

.. انت عايز تموتنا يا عم ولا إيه!

.. تعرف إن القلب هو العضو الوحيد ف الجسم اللي الكهريا بتاعته ذاتية؟ ..

.. وإنه ممكن يفضل ينبض فترة حتى بعد ما المخ يموت.. تخيل!

\*آلو.. أيوة يا أحمد.. الحقني.. أنا ف تاكسي والسواق باين عليه لسع.. على  
الدائري أيوة.. عند المعادي كده.. بيسوق زي المجنون.. لأ مش راضي يرد عليها  
حتى !!

- بس مش سهل أبداً المخ يموت.. وقبل ما يموت، بيقفل أجهزة الجسم واحد  
ورا الثاني ..

\*يا أحمد اعمل أي حاجة.. اتصل بالبوليس!!... معرفش!! ده شكله هيموتنا !!  
- أول لما اتخرجت من طب، كنت عايز اخترع علاج للسرطان.. هههههههه..  
تخيل!!

\*إيه ده ياسطى انت دكتور؟؟؟

- وبعد ما سحبوا رخصة مزاوله المهنة بتاعتي ما يأسئش برضو..

\*الله يخربيتك!! سحبوا رخصتك ليه!!... كنت بتعمل ف العيانيين إيه!!

- بس كنت لازم أعيش!!.. لازم أجيب فلوس!!.. وبقيت أسطى على تاكس..  
ههههههههه.. تخيل!!

\*يا أسطى أبوس إيدك.. احنا داخلين على منطقة زحمة!!.. انت طلعتي مين  
بس!!... يا أحمد أنا ناقصك انت راخر!!.. حاضر.. هتشاهد.. أشهد ألا إله إلا  
الله وأن محمد رسول الله!

- وبقي يركب معايا أشكال قدره زيك كده.. اتفرجت جوة التاكس ده على أوسخ  
نماذج البشر.. اللي رايحة تخون جوزها.. واللي بيسرق من شغله.. واللي  
بيكذب واللي عايش دور مش دوره واللي بتحقد على صاحبها واللي والي ..

\* يا عم أنا مال أمي!!.. وقّف التاكس بقا!!!!!!... وربنا هاعمل حمام على  
الغسي!!.. طب وقف التاكس على جنب أعمل بيبي ونركب تاني ونكمل الرحلة  
اني سوا.. وعد شرف!!

\* وبعدين لما تبصلها... إيه لزمة الهري ده كله؟.. هما 16 عنصر من التراب..  
وبرجعوا للتراب تاني.. وشوية الماية بيتبخروا عادي.. تخيل!

\* يا سيدي شوية الماية هينزلوا دلوقتي في التاكس بتاعك!! أبوس إيد أمك  
وقا!!!!!!اف!! ده عيد ميلادي النهارده حرام علييبيك!!

\* لو نطينا بالعربية في النيل في احتمال يطلعونا.. إنما لو لبسنا ف عامود!..  
اهيل!

\* يا ابن المجنونة!!.. يا عم أبوس إيد!!!!!!الك!!.. خلاص الماية طلعت منك  
الله.. آآآآآه.. آآآآآه!..

\* كل سنة وانت طيب!

\* لعم!!

\* أصحابك ادوني 200 جنيهه عشان أعمل فيك المقلب ده .. تخيل!

\*\*\*

# الشخصية العسلي

- انت اتقدمتلي ليه؟

\*نعم؟

- سؤال واضح.. اتقدمتلي أنا بالذات ليه؟

\*عادي يعني.. طنط هناء قالت في عروسة وكده.. قلت آجي أتقدم وأشوف.

- وهتشوف إيه؟

\*نعم؟!

- يا ابني ماتصحصح معايا بقى!.. هتشوف إيه يعني؟؟

\*أمممم.... شخصيتك وكده.

- طب غمض عينيك.

\*نعم؟!

- في إيه؟ انت مذهبل كده ليه؟؟ غمض غمض عينيك!! الجملة واضحة!

\*انتي غريبة أوي!.. ماشي أديني غمضت!

- لون عيني إيه؟

\*نعم؟!

جاوب من غير نعم دي!

أمممم.. عسلي باين؟؟

عيني سودا على فكرة.. خليك مغمض عينيك... لون الروج اللي أنا حاطاه

إيه؟

روز وعليه ليب جلوس..

أممم.. ولا بسة إيه؟

اللابسة توب روز وعليه حاجات بتلمع كده وسكيرت كحلي كلاسيك طويلة.

واضح إنك كنت مركز ف شخصيتي أوي وأنا بتكلم!.. طب فتح عينيك..

هناك كام ف المحفظة دلوقتي؟

نعم؟!

مش قلنا بطل نعم دي!

أهوه أهوه.. سوري.. معايا 375 جنيه.

بالخطبط؟

أهوه بالخطبط.

أمممم.. طب شوف.. هقولك حاجتين.. عايزاك تختار واحدة منهم وترد

بسرعة من غير ماتفكر.. ممكن؟

إيه ده؟؟ انتي عايزة توصلي لإيه؟ وأختار على أي أساس مش فاهم!

اعتبرها لعبة يا سيدي.. إيه المشكلة؟.. سيب نفسك خالص واخبط الكلمة

اللي تيجي على بالك.. ماشي؟

\* ماشي أما نشوف آخرتها إيه اللعبة دي!

- كتاب ولا مارينا.

\* مارينا..

- عربية ولا طيارة؟

\* عربية.

- بنت ولا مزة؟

\* مُزّة..

- كلب ولا حصان؟

\* كلب

- أصفر ولا أحمر؟

\* أحمر.

- رصاصة ولا أرنب؟

\* رصاصة.

- فيفي ولا مريم؟

\* فيفي.

- إمام.. تمام..

\* ممكن بقى تفهميني إيه كل ده؟؟

أهَذَا يا سيدي.. انت ذكر تافه ومادي وغالبًا بخيل.. شهواني وعندك ميول  
هدوانية..

\*اهم؟؟

لبي ما سمعت كده.. ده كان تحليل شخصية سريع

\*اللي بتهرجي صح؟

الحقيقة لأ.. بس الجميل في الموضوع أنك خامس عربس يتقدملي ونفس  
النتيجة..

\*مش فاهم؟؟ انتي بترفضيني يعني؟؟

أهسوليوتلي.. انت عينة من أغلب الموجود في السوق حاليًا.. وأنا لازم أتجوز  
ف الأخر.

للأسف..

\*مش فاهم بردو!

بعني أنا موافقة.

\*أنا بقى مش موافق.. انتي غريبة ومجنونة وقليلة الأدب!

انت خدت كلامي بجد؟؟ أنا كنت بشاكسك بس.. إيه معندكش روح دعابة  
ولا إيه!

\*ها سلام!

..طبعاااااااااااا.. طب استنى.. انت شوفت صوري في الساحل الصيف اللي فات؟

\*لأ هشوفها فين!





## ذكوري متعفن!

.. ألسة هدى، فاضية 5 دقائق؟ أنا سامح زميلك من الموا...

\* أنا فاضية أه.. بس أنا عارفة انت عايز إيه.

.. طلب كويس والله أنا كنت محرج ومش عارف أفتح معاكي الموضوع ازاي

\* لا أنا هوفر عليك الكلام.. شوف يا أستاذ سامح، أنا فعلاً عندي 29 سنة  
ولسه ما تخطبتش وعارفة كويس أوي الكلام اللي بيتقال عليا في الشركة من  
ورا ضهيري.. بس ده مش معناه إني أقبل بأي حد وخلص..

.. أنا آسف جدًا لأن...

\* لا مفيش داعي للأسف، معلش يعني مش عشان أنا سنجل لسه، أكون  
فريسة سهلة لواحد عايز يشبع رغبات محققهاش أيام المراهقة ويطلع ثلاثة  
عين اللي خلقوني وبعدين ف الآخر يقولي معلش انتي تستاهلي واحد أحسن  
مني وبروح يتجوز سها بنت زميلة ماما في الشغل.

.. مين قال بس ان انتي فريسة الحقيق...

\* أبوة طبعا فريسة في مجتمع ذكوري بيدي الراجل حقوقه كاملة ويغفرله  
العك والقرف والصباغة واللعب ببنات الناس، وفي نفس الوقت عايز البنات  
ملاك نازل من السما في أخلاقها وحلوة وجميلة زي سكارليت جوهانسون  
وشاطرة في المطبخ زي الشيف الشرييني وذكية زي مدام كوري!

- مين مدام كوبي دي؟

\*كوبي!.. واحد زيك خريج جامعي ميعرفش مدام كوري مكتشفه  
اليورانيوم!!.. انت عينة من الشباب السطحي اللي حشر تفكيره في مساحة لا  
تتجاوز مساحة نص جسمه التحتاني ولخص ثقافته كلها في فيلم ثقافي مدته  
10 دقائق عالنت..

- يورانيوم!!

\*قول كمان بقى مش عارف اليورانيوم!! منتهى الضحالة المعرفية زي خطيبي  
الأولاني بالظبط.. ومتوقع طبعا إنك تيجي بمنتى الجراة تطلب مني نكون ف  
علاقة عشان معجب بيا ولاحظت أنا أد إيه كنت رقيقة في مسكتي للشاليمو  
في حفلة الشركة الشهر اللي فات والكلام الفاضي ده. أقوم أنا أستسلم  
وأوافق عشان عايزة عريس طبعا.

\*انتي كنتي مخطوبة قبل كده؟

- ثلاث مرات لناس من نفس الكروموزوم الذكوري بتاعك ده.. اللي بيخاي  
الواحدة تقرف من عيشتها أساسا.. ولعلمك عشان بس تفكيرك ماياخدكش  
لبعيد. أنا اللي سيبتهم وعملتهم إقصاء واستنصال من حياتي.

\*كروموزون؟؟

- لا لأ لأ.. مش هقدر أستحمل جهل وتخلف أكثر من كده!! قولي بقى معلش  
أصلي كنت ف أدبي في ثانوية عامة ومعرفش الكروموزومات!!  
\*رياضة واحد.

- نعم؟؟!!



# نوجا

- يا جدتي..

\*نعم يا حبيبي..

- الناس اللي عاملين لايك للبيدج بتاعتي بيقولوا إني معقدهم وموريهم الدنيا غامقة!

\*لايك؟ وبيدج؟ واحنا مالنا ومال الأجانب يا ابني بس.. ملكش دعوة بيهم.. طول عمرك بزأوي وتموت في الخواجات.. خليك مع المصريين يا محمد يا حبيبي.. أهلك وناسك.

- يا جدتي لايك وبيدج دول مش خواجات.. في ناس عاملين إعجاب لصقحتي على فيسب.. أقولك، ناس أصحابي.. ناس صحابي مصريين شايفين إن كلامي عن الجواز والحياة الزوجية معقد وكحلي.

\*هههههه.. طب هات البوك بتاعي من على الكومودينو.

- اتفضلي...

\*خد جنيه أهو انزل اشترى نوجا اللي بتحبها وبعدين تعال نكمل.

-نوجا إيه بس يا جدتي!.. نوجا اجوزت ومعهاا عيال دلوقتي.. وبعدين الجنيه ده يا دوب تلحقي تغلفيه بشوية بياضات من بتاعت الصالون عشان هينقرض.



- طيب شَهْل يلا عشان العصر خلاص فاضل عليه ثلاث ساعات يادوب تلحلي  
تدهنلي المرهم.

\*آدي يا ستي المرهم اهو.. هاتي رجلك بقى كده شوية.

- لأ مش قادرة.. تعالي انت من جنب مسند الكنبه بزاوية 45 درجة عشان تعرف  
تدهن كويس.

\*حاضر!!

- ها يا سيدي.. كنا بنقول إيه.

\*التفاؤل يا جدتي.. الجانب المشرق المضيء من الحياة.. الألوان الوردية  
والسليمون اللي موجودة في الجواز.

- أيوة صح.. طبعًا يا ابني لازم نكون متفائلين.. الحتة دي مش مدهونة كويس..  
بظل شغل الكروثة بتاع المصريين ده وادهن عديل.

\*يا جدتي أنا مش شايف جلدك أساسًا من المرهم وبعدين مش بالكمية.. ده  
مش فروستينج بتاع تورته عيد ميلاد!

- وانت إش فهمك انت.. إوعى يا واد تكون فاكرلي نفسك دكتور بصحيح.. دا  
لسه من كام سنة كنت بحميك في الطبق البلاستيك الأخضر اللي جنب  
الغسالة وأغسلك ال.....

\*خلاص يا جدتي خلاص.. حاضر.. وأدي أم أنبوبة المرهم كلها أهي.. فضيت  
على كعوبك.. ها؟؟ نتكلم عن التفاؤل بقى ولا إيه!!

انت متسرع على إيه يا واد انت؟؟ هات طب النوبائل أما أكلم البت نوسة  
ههيب حزمتين ملوخية أمك تعملهالنا بكرة عشان نفسي هفاني عليها بقالي  
يوون.

جدلي.. لتي رجليكي شوية كده.. أيوة.. شوية كمان.. تمام.. هاتي بقى الجنيه  
اللي ف إيدك ده.. أنا نازل أجيب نوجا!!

\*\*\*

## بسنت

\* وبعدين طيب.. البيدج مافهاش ناس كثير يا محسن.

- بيدج إيه؟ بتاعتك اللي على فيسبوك؟؟

\* أيوة.. عايز التفاعل يزيد ومش عارف أعمل إيه!

- اسمع كلامي وهات بسنت.

\* يعني إيه بسنت؟

- بسنت دي المزة اللي هتطري القعدة يا برنس!

\* يا ابني بسنت إيه وزفت إيه!! البيدج دي هادفة.. والناس اللي بتقرأها محترمين.. وبصراحة أنا واخد عهد على نفسي أبعد عن شغل السبكي ده.. وبعدين مين بسنت دي؟

- بسنت دي يا عم بنوته كيوت اتعرفت عليها في الميكروباس.. وبعدين انت تطول تبقى عشر السبكي!!.. وهادفة خلاص راحت تشتغل رقاصة!.. كام يا سيدي عدد الناس المحترمة في البيدج اللي بيقرأوا الكلام الهادف؟؟ عشرة عشرين ألف؟؟ الناس عايزة دلج.. عارف انت لو جيت بسنت تعملها بوسنين سواريه، هتلم شباب ولايكات بالهبل وتتشهر بقى!!

\* يا ابني مستحيل.. اللي بكتبه ليه هدف.. عارف يعني إيه هدف؟؟ بسنت دي إن شاء الله هتكتب إيه بقى؟؟



والتي فاكر حد هيقراً أساساً؟؟ يا محمد يا حبيبي الشباب هيوجبوا معاها  
من غير قرابة ووجع دماغ!! حط انت بس صورتها في البروفايل وملكش دعوة  
بهاجة يا عم.

\* اعم يا اخويا؟؟ بقى بعد نيورون ومخاطبة الخلايا الرمادية في العقل، عايزني  
القلب البيدج ميكروباص العاشر؟؟

.. نيورون إيه ونيلة إيه!! هو حد أساساً عارف إيه نيورون ده؟؟ الناس في  
التعليقات كانت فاكره اسم البنت اللي بتكتب البوستات!

\* نيورون ده اسم الخلية العصبية.. الوحدة البنائية للتفكير والإبداع.. اللبنة  
الأولى ف.....

.. الكلام ده يا برنس تقوله في ساقية الصاوي.. هنا يا حماده عايز تنجح لازم  
لماشى السوق.. بسنت بعد بوستين على كام صورة. هتنطق البيدج دي 100  
ولا 200 ألف.. وفيديو واحد في الويك إند، تكسر حاجز المليون!

\* بهااار ابوك إسود!! فيديو!! في البيدج بتاعتي!!

.. طلب إيه رأيك أنا هعمل بيدج أنا وبسنت.. وخليك انت قاعد جنب نيورون..  
يا بتاع الخلايا الرمادية!

\* بعد شهر\*

\* إيه يابني فينك؟؟ وأخبار بيدج بسنت إيه؟؟

.. بس بقى اتنيل.. الصفحة اتقفلت ريبورتات

\* إيه ده طب وبسنت؟

.. جالها عرض في فيلم السبكي الجديد!

\*\*\*

# الجريمة

- مبدئيًا أحب أذكر كل الموجودين إن الجلسة دي مسجلة صوت وصورة..

ودلوقتي بصدد الأمر المعروض علينا.. أنسة هيام، أقوالك إيه في المنسوب إليكي؟

\*يا بابا والله الع.....

- بابا؟؟ بابا دي هناك لما نكون قاعدين نقزقز لب ونتفرج على الشبه الشريبي.. هنا مفيش بابا!

\*أمال أقولك إيه؟

- تقدري تخاطبيني بإستاذ خالد

\*يا أستاذ خالد والله العظيم ما شوفتها!

- يعني بننكري أي صلة ليكي بحادثة الإختفاء؟

\*أنا أصلًا إيه علاقتي بيها؟؟ دي حاجة متخصصينش!!

- ممم.. مدام علا.. بعد إنكار بنتك، قصدي، بعد إنكار الأنسة هيام علاقتها بحادثة الإختفاء، إيه أقوالك؟

\*خالد، بقولك إيه، أنا مش فايقة للفيلم بتاعك ده.. إنجز خليني أقوم ألم الغسيل عشان الجو شكله هيمطر!

مش من مصلحتك إهانة هيئة التحقيق على فكرة.. عايزك تفتكري دايمًا  
إلى أنا اللي بديكي مصروف البيت.. وبالمناسبة دي، فين الوصل بتاع الشهر  
اللي فات؟؟

\* الأبقى الوصل أنا مضيقته وهيام وحماده مضوا عليه شهود وخطيته ف ملف  
المصروفات!!

• أولاً الوصل مش موجود في الملف يا هانم.. ثانيًا حماده مش بيعرف يكتب ده  
عنده 4 سنين.. مضيقته على الوصل إزاي؟؟.. والإنكار طبعًا مش هيفيدك.

\* أبوة ما طبعًا للبند الرابع في اتفاقية الخامس من أغسطس اللي فات لما كنت  
عاملة بطاطس في الفرن فاكر؟.. البند الرابع بقى بيقولك إن في حالة عجز  
الشاهد عن الإمضاء، ممكن يبصم.

• طبعًا فاكر اتفاقية الخامس من أغسطس.. ده كان يوم تاريخي يا علا.. المهم  
ارجع لموضوعنا.. بصمتي حماده يعني على إيصال استلام مصروف الشهر؟؟  
\* أبوة والله.. أنا متأكدة إن الوصل في الملف.

• مممم.. ماشي.. القضية دي هتاخذ رقم ونبقى نشوقها في الجلسة اللي بعد  
حلقة حريم السلطان.. آدي الرقم أهو.. طيب يا ستي.. بالنسبة للقضية اللي  
أنا بصدها دلوقتي؟

\* يا خالد أقسم بالله بعد ما لميت الغسيل وصنفت الملحقات بناءً على أولوية  
اللبس ونوع الأقمشة المستخدمة، الشراب ده بالذات بقى أنا متأكدة إنه  
الحط في الدرج التالتا.. وبعدين نفسي أفهم إزاي فردة واحدة بس هي اللي  
لضيق؟؟

- الدرج الثالث ده يخص الشرابات القطنية فقط.. الشراب اللي ضايع منه  
فردة ده، فيه بوليستر بنسبة 70% يا هانم!!... مكانه في الدرج الثاني!

\*يا خالد نسيت.. اتلخبطت.. سهى عليا.. ده غلب إيه ده بس يا ربي!

- نسيتي ها؟؟ أممممم.. الحكم في القضية دي بعد ما أكل البسبوسة اللي  
متبقية من امبارح.. وعلى الله الأقي حد كلها.. هتمثلوا بالكامل أمام هيئة  
التحقيق وه.....

\*بابا بابا

- أيوة يا حماده يا حبيبي.

- بث بث أنا حطيت البثبوثة اللي كانت في التلاجة في فردة الثراب ده.. مبهوطة  
مني يا بابا؟

\*\*\*\*

# الطرحة واسعة يا عمي!

« اعرف يا إبراهيم... »

« أول مرة أمل بنتي اشتكت لأمها إنك بتشتتها وتمد إيدك عليها، أمها الصدمت طبعًا... »

« معقولة؟ معقولة إبراهيم المهندس الخلق المؤدب يمد إيدته على أمل؟؟!!  
أمل اللي من خمس سنين بس كان يتمنى التراب اللي بتمشي عليه؟؟ »

« طبعًا أمل وصت أمها ماتقوليش.. انت فاهم طبعًا عقلية الستات.. خافت الموضوع يكبر والطلاق والعيال و...و...و... »

« طبعًا أمها قالتلي فوزًا.. مش هكذب عليك يا إبراهيم، فكرت أجيب كرشك بسكينة الفكهاني بتاع الموز المعوجة دي عارفها؟؟ وأستمع بمنظر أحشائك وهي على الأرض وأخذ معاك صورة سيلفي.. »

« لكن وبعدين؟؟ انت هتروح المستشفى تتعالج وتطلع تتجوز واحدة ثانية تمد إيدك عليها برضو.. وأنا هخش السجن فواحد حقير زيك.. »

« الموضوع خد مني 3 أيام تفكير.. ازاي أخذ حق بنتي واستمتع بشعور الانتقام، بس في نفس الوقت أضمن انك مش هتعملها تاني.. »

« انت عارف إن دراستي وشغلي كله في علم النفس الإكلينيكي.. انت مهندس وعش عايز أوجع راسك بالتفاصيل.. »

- قررت إيه بقى يا سيدي؟؟

- أقولك..

- تعرف حاجة اسمها استروجين وبروجيسترون؟؟

- دول يا حبيب عمو هرمونات الإنوثة اللي جسم الست بيفرزهم وهما دول المسنولين عن معظم الصفات الأنثوية..

- المهم يا سيدي، قررت إني أحطلك الهرمونات دي في الأكل عن طريق أمل لمدة 6 شهور مبدئيًا..

- بقالك فترة بتشتكي إن في مناطق معينة من جسمك بتكبر صح؟؟..

- طبعًا انت فاكر نفسك بتتخن وعمال تروح الجيم وتعمل دايت ههههههه

- آخر جزء في الخطة كان الهيبنوزيس.. اللي هو التنويم المغناطيسي.. عشان الكوجنيتيف بارت.. الجزء الإدراكي يعني..

- الهدف اني أزرع في عقلك الباطن إن انفعالاتك كلها تكون ستاتي هههههه..

- قوم لما تغضب بقى يا قمر تعمل إيه؟؟.. هنشوف..

- وعشان كده كنت بعزملك عندي هنا كل أسبوع تلعب طاولة ههههههه..

- دلوقتي لما أسقف قدام وشك، هتفوق.. ولما تفوق مش هتفتكر أي حاجة من الحوار ده..

.....\*

- أهلاً أهلاً يا إبراهيم.. ازيك يا حبيبي والعيال عاملين إيه؟؟

\*أهلاً يا عمي.. حضرتك عامل إيه؟

كويس يا حبيبي.. ها؟ كنت عايزني فإيه؟؟

\*أمل يا عمي.. اهئ اهئ اهئ.. أنا خلاص مش قادر أستحمل أكثر من كده.. أهئ  
اهئ.. تخيل يا عمي بتشتكي من طبيخي علطول ومش عاجبها حاجة؟؟ أهئ  
اهئ..

\*طب بس يا حبيبي بس.. قلبي معاك والله.. معلش انت عارف الستات  
مضارين..

\*ممکن بس علبة المناديل دي يا عمي؟

اوي اوي يا حبيبي..

\*كلم أمل أرجوك يا عمي أهئ أهئ.. والله لولا العيال أنا كنت سيبتلها البيت  
وَرُحْتُ عند ماما.. دي مش عيشة دي! أهئ أهئ

\*اهدى بس يا إبراهيم مش كده يا بني.. استهدى بالله وتعالى نقوم نصلي العصر  
وبعدين نيجي نجيب أمل هنا ونشوف الموضوع ده..

\*أهئ أهئ.. طب عندك طرحة أصلي بيها يا عمي؟؟

\*\*\*

## عريس يا بوي!

- شوفوا بقى يا بنات.. احنا مالناش غير بعض.. والدنيا بقت صعبة.. الشباب عايز يقضيا مقطم من غير جواز... وخلص كلنا ف سنة رابعة دلوقتي..  
\*رابعة إيه أنا ف....

- أيوة أيوة حاضر... كلنا ف رابعة وسارة ف امتياز طب.. يعني سابعة تقريبًا ولا تاسعة مش عارفة.. الخلاصة إن صلاحيتها قربت تنتهي...  
\*أيوة أنا لازم ألحق قبل ما ال.....!

- حاضر يا سارة اهمدي بقى!!.. معلش يا جماعة، نركزمع سارة لحد ما تتخطب عشان مش هنخلص من عينها لو أي واحدة فينا اتخطبت وهي لأ.. بس آخرك معانا خطوبة يا سارة.. اللي بعد كده بتاعك انتي.. تتجوزوا بقى تفرکشوا مالناش فيه.. قشطة؟

\*نفرکش ايه!.. بس هو يجي بس.. وديني وما أعبد، لو هديله بنج لحد ما نتجوز هعملها!

- تمام... شوفوا بقى.. مش هينفع اللي بنعمله ده.. العشوائية والأناية دي مش هتجيب عرسان.. لازم نركز.. أي هدف محتمل يظهر في الجامعة مش لازم كلنا نجيبه سندويتشات بسطرمة بالبيض وأكونات على فيسبوك وكافتيريات وشغل الإبتدال ده.. معايا يا هبة؟؟



\*فصداك إله يا رانيا؟؟ انتي م.....

.. خلاص يا هبة مش موضوعنا... ها؟ الناس بتوع تجارة، عندكو حد؟؟

\*هارة؟؟.. لأ يا رانيا أنا طب يا ماما ماينفعنيش تجارة ده..!

.. يا سارة اصبري هو احنا رايعين نشترى الشبكة!!.. احنا بنشوف لسه!

ها؟ تجارة؟

\*ال معيد مسهوك كده اتعين جديد وبيجي الجامعة بعربية.

.. حلو أوي يا مريم.. براقو.. لو سارة مش دايسة في المصلحة دي، نهى تروح..

هي بتحب العيال المسهوكة.. حاولي تبدأي الأول بمحاضرة عايزة تسألني عليها

يا نهى.. بلاش السنديوتشات من أول مشهد ها؟

اللي بعده، علوم أخبارها ايه؟؟

\*علوم إيه ونيلة إيه.. هو الشاب اللي بيدخل علوم ده ينفع ف جواز يا رانيا!

.. والله عندك حق يا مريم.. طب خلاص.. علوم نخلها بلان بي.. الخطة

الاحتياطية يعني عشان بتوع حقوق مالهمش في الإنجليزي..

وبمناسبة حقوق.. إيه يا أنسة مرام؟؟ محدش سمع صوتكوا يعني!! اوعي يا

بت تكونوا مكنمين على حاجة!!

\*والله أبدًا يا رانيا.. انتي عارفة شباب حقوق.. عقبال ما يوصل سنة رابعة

بيكون عنده 35 سنة ويادوب هيشوف عربية قول يقف عليها.

.. طب خلاص مش مشكلة.. يتبقى هندسة وصيدلة وبيطري.. الأنسات اللي

قاعدين فاتحين مذكرات في الاجتماع وعاملين من بنها دول، مش هتشاركوا

بأي حاجة؟؟

\*معلش يا رانيا انتي عارفة الميد تيرم وكده.. بس عمومًا صيدلة تقدرني تحذفها من حساباتك.. العيال هناك خلاص الأمونيا ضربت طموحهم في الجواز.

- و هندسة يا فرح؟

\*هندسة.. يا وكستي على شباب هندسة.. دايرين على كافتيريات حقوق وتجارة وأداب يا رانيا.. العيال عندها سُعار على أي بنات برة هندسة!!.. يجوا عندنا تلاقية بقى يحطلك أسطوانة انتي زي أختي... تقوليش بنات هندسة عمدان مسلح!

- ماشي خلاص.. طبعًا أنا مش هسأل على شباب آداب وكلكوا عارفين ليه!..

أملنا بعد ربنا سبحانه وتعال على تجارة وبيطري وأي حاجة بقى تيجي من هنا أو من هنا.. مش هوصيكوا يا بنات.. وعندي إحساس إننا لو خلصنا من سارة ربنا هيكرمنا آخر كرم إن شاء الله.. يلاً أشوفكوا الأسبوع اللي جاي في نفس المكان.. سلام.

\*أنسة رانيا.. ممكن كلمة لو سمحتي؟

- أهلاً أهلاً يا سامح.. انت مش اتخرجت السنة اللي فاتت؟؟ إيه اللي جابك الجامعة تاني؟

\*كنت جاي عشان أكلمك ف موضوع.

#رانيا....!!!

- بس يا سارة لخبطك بحاجة أجيب أجلك وانتي واقفة... أيوة يا سامح كنت بتقول جاي عشاني؟

\*\*\*\*

# جوجل ف مصر

\*قهوة بلدي ف المنيرة في قلب القاهرة القديمة\*\*

.. مساء الخير.. أنا لاري بيح

\*مساء النور.. عاشت الأسامي يا لاري.. أي خدمة؟

.. انت مش عارفي؟

\*لا والله مش واخد بالي.. حضرتك مضيع؟

.. أنا صاحب شركة جوجل!

\*نعم؟؟؟ انت بتشتغلي يا عم انت!! انت جوجل؟؟؟

.. لا أنا مش جوجل.. أنا صاحب شركة جوجل.

\*أبوة انت جوجل يعني.. وإيه اللي رماك الرمية دي؟

.. يا سيدي رمية إيه!!.. أنا جيت مصر لأنها أكثر بلد اشتغلت جوجل ونصبت  
علينا في العالم كله.. فقلت أكيد البلد دي مليانة مواهب.. أنزل كده وأشوف.

\*مههههههه.. لا مؤاخذه بقى يا برنس.. احنا مسبناش حد في الدنيا دي كلها  
معلمناش عليه.. بس انت بتتكلم عربي كده ازاي؟؟ لا ومصري كمان!

.. بقولك أنا اللي اخترعت جوجل.. مش هعرف أتعلم مصري!

\*طلب عنب.. اقعد بقى وأنا أحكيك.. معسلك إيه؟

- لأ مش بحب العسل لأنني مش باكل أي سكريات خالص.

\*ههههههه.. عسل؟!.. شوف مش انت اخترعت جوجل؟.. لكن غلبان.. أجيبلك  
أنا على ذوقتي.. وله يا سيد، حجر زغلول هنا لعمك لاري.

- أه انت قصدك ووتر بايب (Water Pipe) ؟

\*ووتر إيه؟؟ ههههه.. لأ بقولك إيه، أنا خريج تجارة أه بس الإنجليزي بتاعي  
تعبان حبتين.. خليك مصري كده عشان أحبك.. اسمها شيشة.. ولو طالها  
معاك ثقافة، اسمها أرجيلة!

- ماشي.. شيشة زغلول.

\*أيون.. حبيبي الأري.. قولني بقى يا سيدي، جيت مصر ليه؟

- عايز أشوف السبب العلمي للنصب ده.. معدل النصب في مصر كسر  
معدلات النصب في أي مكان ثاني ف العالم!.. أكيد ده وراه عقول جبارة وفي  
منتهى الذكاء.. واحنا ف جوجل محتاجين النوعية دي..

\*قشطة أوي!!!.. أكيد بتحتاجوا محاسبين في جوجل؟

- أوف كورس.. طبعا.. كثير.

\*والمحاسب عندكوا بياخد مرتب كام؟

- متوسط بياخد 200 ألف دولار في السنة.

\*الله أكبر!! ربنا يزيد وبيبارك!!!.. طب ماتاخودني معاك الأري باشا؟!.. أخوك  
متخرج بقاله 10 سنين من كلية تجارة.. محاسب يعني.. بشتغل ف شركة  
الصبح وماسك حسابات فرن أفرنجي بالليل.. شاكب راكب بعمل 2000 جنيه  
في الشهر.. يعني في السنة 24 ألف جنيه.. يعني 3000 دولار في السنة.

\*وات Are u kidding me!! That's impossible

عربي احيات أبوك آلاري!

\*اه معلش آسف.. انت بتستهيل؟؟ مستحيل!

والله زمبولك كده.. لأ وإيه. أنا كده برنس.. في ناس مش لاقية شغل أصلاً!

\*طلب تعال نعتبر إننا ف انترفيو.. وجاوب على السؤال ده: لو أديتك مليون دولار. هتعمل بهم إيه عشان تنجح ف بلدك؟

.. يا دين النبي!!! مليون دولار!! يعني 8 مليون جنيه!!

\*يس.. أيوة

.. لأ ده أنا هعمل حاجات كتير أوي!

\*قولي أول 3 حاجات يخطرخوا في بالك.

.. مممممم.. هشتري فيلا كبيرة.. مممممم.. وعربية مرسيدس.. وأشتري حطة أرض.

\*أمممم.. idiot.. بالعربي يعني برافوا!.. بس مش شايف إن دي كلها حاجات استهلاكية؟؟ يعني حاجات مش هتخليك تتقدم أو تطلع للأمام؟

.. أمام إيه آلاري ههههههه.. عايزين نعيش يابا.. اللي هيتبقى من ال 8 مليون محطهم ف بنك وأعيش برنس!

\*ليه ماتعملش شركة أو مصنع وتنتج؟

.. مصنع؟!.. ههههههههه.. لافيني انت بس الدولارات ومالكش دعوة يا عم!

\*شكرًا لوقتك.. ولحجر المعسل.. جود باي

- آلازي استنى بس.. ماشي ليه؟ الحجر مكتوم؟؟ آلازي.. لا ااري..

\*\*آلازي بيدج راح على قهوة تانية\*\*

- مساء الخير.. أنا لااري بيح.

\*أيوة عارفك.. انت وسيرجي برين مؤسسين جوجل.

- أمييزنج!!.. هایل!! انت تعرفني؟! وتعرف سيرجي كمان؟!.. برافو!

\*أيوة طبعا في حد ميعرفكش؟ اقعد اقعد.. شيشتك إيه؟

- هو الشيشة ف مصر إجباري؟

\*هههههه.. بصراحة آه.. خُذلك واحد قَص معايا وقولي بقى، إيه اللي جابك  
مصر؟

- بما إنك تعرفني، نختصر بقى الهري زي ما بتقولوا في مصر، اعتبر نفسك ي  
انترفيو.. لو أديتك مليون دولار، هتعمل بيهم إيه؟

\*ولا حاجة.. هاجي أشرب بيهم معسل بردو.. بس هرتقي بقى.. هشرب تفاحتين!  
-وات؟؟

\*ماتوتوتش.. مش انت مش عايز هري؟؟.. أنا يا عم لااري خريج هندسة  
ميكانيك.. ومشروع التخرج بتاعي يعتبر نقلة في تقليل استهلاك المحركات  
للووقود.. وكنت فاكر إن المشروع هيكسر الدنيا.. ههههههههه  
-وبعدين؟

\*ولا حاجة.. قاعد بضرب معسل قص زي مانت شايف.. بس ماقولكش بقى..  
بضرب إيدي ف أجدعها شيشة مكتومة وأشخص العيب فين وأسلكها!

- شيشة مكتومة إيه وزفت إيه!! يلا بينا على أمريكا!.. أنا همولك مشروعك!



# نورهان!

- انت بقى اللي عاملي الصفحة دي اللي اسمها نورهان؟؟

\*يا فندم اسمها نيورون مش نورهان.

- احنا هنبتي لماضة من أولها!

\*خلاص يا باشا، أيوة أنا صاحب بيدج نورهان.

- ممممم.. انت عارف احنا استدعينك هنا ليه؟

\*لا والله يا باشا مش عارف..

- في واحدة يا أستاذ حاولت تقتل جوزها وتسيح جثته ببرسيل وكور منخل  
البقع.

\*نعم؟؟

- اعمل عبيط بقى!.. لما استجوبناها اعترفت عليك وقالت انت اللي كتبت كده  
في نورهان بتاعتك دي على الفيس..

\*يا باشا دي قصص قصيرة.. خيال يعني.. وبعدين بدمتك يا باشا أنا هكتب  
برسيل وكور بردو!

- أمال كتبت إيه؟

\*لأ سيادتك أنا كتبت حمض ه.....



وباستجواب المتهم، اعترف باشتراكه في الجريمة عن طريق الإيعاز للمتهم  
بطريقة التخلص من الجثة بمسحوق غسيل شهير.. يقفل المحضر بتاريخه  
وبحضور المتهم.. اتفضل أمضي

\* أمضي على إيه يا باشا؟... وربنا ما كتبت كده!!

شوف يا أستاذ محمد... انت هتمضي هتمضي.. ممكن تمضي دلوقتي وتأخذ  
10 سنين حكم مخفف، وممكن تمضي بعد ما صلعت يمسي عليك كام يوم في  
الخشبية وتأخذ 10 سنين بردو.. تختار إيه؟

\* من صلعت ده يا باشا؟

\* طمااااخ\*

صلعت اللي واقف وراك

\* قلم سيادتك بعد إذنك.. وأدي توقيعى أهو..

خده على الحجز يا عسكري

\*\*\*

المتهم محمد فايق يا باشا..

\* دخّله يا عسكري

ها؟ إيه رأيك في التخشبية بتاعتنا؟

.....\*

هههههه.. يبقى عجبتك.. واضح إن خيالك إجرامي وواسع..

.....\*

- شوف أنا ممكن أقطع المحضر ده ولا كأن حصل حاجة.

\*بجد يا باشا؟\*

- طبعا.. بس عايز منك خطة.

\*خطة إيه؟\*

- عرفت رقاصة وصورتلي فيديو مش أد كده يعني.. وانت عارف شغلنا ماينفعش فيه الكلام ده.. عايز أخلص منها بخطة من خطتك الجهنمية.

\*بس كده.. عيني يا باشا.. بس نقطع المحضر ونطلع نقعد ف أي مكان.. همونا على فنجان قهوة.

- أدي يا سيدي المحضر أهو.. اتقطع.. بس قولي قبل ما نروح.. لحقت تعمل خطة؟ يابن اللعيبه!

\*مش سيادتك شايف إن ممكن جثة تسيح ببرسيل وكلور منظف البقع؟  
- أيوة.

\*خلاص، الرقاصة بقى هنسيح جثتها بعبوتين شامبو لولوا وكيس بلسم!

\*\*\*

# شرباااااات!

شوف يا أستاذ عبدالمجيد... أنا عارف اللي في دماغك كويس  
أطلب الحمد لله.. وفرت عليا كتير يا محمود يا ابني.

لا ماتفرحش أوي كده.. اسمعني الأول.. حضرتك عايز تتجوز إيمان لأن دي  
سنة الحياة وكده وعايز تعمل اللي عليك كأب وبتاع.. صح؟

صح

و عشان نكون صرحا مع بعض، إيمان داخلة خلاص في المنطقة الرمادية  
الفاحلة بتاعت التلاتينات قريب..

الأ يا محمود ماسمح....

اشتري مني بس يا عمي... بنت عمتها وبنت خالتها وجاسمين جارتكو ومادلين  
بنت حسنين زميلك في الشغل كلهم اتجوزوا جوازات جامدة وبنتك إيمان  
بهرى نفسها عياط في الأوضة كل ما ترجع من فرح واحدة فيهم..

الأ إيمان بنتي عمرها ما ع.....

يا عمي متبقاش متسرع بس.. وانت طبعا مش عايز إيمان تحس إنها أقل  
مهم في حاجة.. وطبعاً شاب زي كده ولا يدخل دماغك بنكلة لأنني بمقاييسك  
ماحلتيش حاجة.. أنا بقى يا عمي هعرض عليك عرض يحقق للطرفين اللي  
هما عايزينه

\*فصدك إيه؟

- قصدي إن إيمان تبدأ تستخدم هرموناتها قبل ما تصدي، وانت طنط  
تتفشخروا قدام أهل جاسمين، وأنا كمان أجوز قبل ما أوصل 45 سنة.

\*مش فاهم!

- شقة إيجار جديد في مكان حلو وهنقول إنها تملك.. قشطة؟

\*نعم؟

- شبكة ذهب صيني نصها فالصو وده هيكون سر بينا وبين بعض.

\*انت بتستهيل؟؟!!

- بالنسبة للفرح، أنا ماسك ذلة كده من غير الدخول في تفاصيل على مدير  
في الماربوت وممكن نعمل الفرع هناك ب 5000 جنيه.

\*انت وقح وقليل الأدب!

- العفش بقى هنضربه خشب حبيبي من معرض في السبتية ونلم الليله كلها  
بعشر بواكي.. والأجهزة عليكوا..

\*اطلع برة بيتي يا حقير!

عبد المجيد! يا عبد المجيد!.. تعال عايزاك ف كلمتين!

\*استنى ثواني هاطردك أما أشوف طنطك أم إيمان عايزة إيه.

- خد وقتك يا عمي أنا مستنيك.

\*\*بعد ربع ساعة\*\*

\*ممممم بالنسبة للماربوت يا محمود يا ابني.. انت مالي إيدك من الذلة دي؟

- عيب يا عمي..

\*نشرب شربات ولا حاجة ساقعة؟

\*\*\*\*

# أكونت بناتي

إسراء: يا بنات.. أنا قررت أعمل أكونت على الفيس.

لهي: اسمه فيسبوك.. بطلوا جهل بقى!

إسراء: إوعي يا بت المعهد البريطاني! عيشي عيشة أهلك ياختي.. المهم.. عايزة اأختار اسم للأكونت.

هديل: ما تكتبي اسمك.

إسراء: لأ اسمي إيه.. عيب.. وبعدين ملل أوي.. أنا عايزة اسم متميز.

لهي: فقايع الهواء.

إسراء: نعم؟؟

لهي: انتي ماشفتيش فيلم تبارك سعيد ولا إيه.

هديل: بلاش هبل يا نهي.. الإسم مش رقيق ومفيهوش أنوثة كده ولا غموض.. اهلنا ما صدقنا إنها أخيراً متعمل أم الأكونت.

لهي: الشرنقة الحزينة.

إسراء: ممممم.. اتصدقني حلو يا بت يا نهي.. مليون شجن كده.

هديل: البجعة الأرجوانية.

لهي: الللله.. حلو ده يا إسراء.. رقيق وشاعري.

إسراء: مممم.. طب قولو أسماء ثاني كده..

نهى: الدودة الراقصة.

إسراء: جميل أوي أوي يا نهى.

هديل: الأفعى الحنونة.

إسراء: أفعى لما تلهفك يا جزمة.. خلاص.. البجعة الأرجوانية حلو ومتميز  
نيجي بقى للصورة والكوفر فوتو.

ماما: إسراء.. انتي يا زفتة.. تعالي لمي العرايس بتاعتك انتي وأصحابك دي من  
على الأرض..

إسراء: يووووووه.. حاضر يا ماما..

ماما: وقولتلك 100 مرة سيبى اللاب توب بتاع أختك الكبيرة عشان عندها  
امتحان إعدادية الأسبوع اللي جاي.

\*\*\*\*

# استبيان لولبي!

- نرمين، كنت عايزك ف موضوع كده

\*أوي أوي يا أسر.. اتفضل

- من فترة طويلة وانا مش عارف أفتح معاكي الموضوع ازاي.. أنا معجب بيكي جدا وكنت عا...

\*ثانية واحدة..

- إيه ده؟

\* ده استبيان.. قبل بس ما نخش ف أي حورات وورد ومسجات وشقق وعفش وقيامه ورغي في الموبايل.. عايزاك تجاوب على الأسئلة اللي في الإستبيان ده

- استبيان؟

\*أيوه.. استبيان تكاملي توافقي عشان نشوف من الأول هل احنا مناسبين لبعض ولا لا.

- بس مش شايفة إن الموضوع كده جاف شوية؟.. قصدي يعني فين المشاعر وال....

\*يا سيدي ماشي في مشاعر وكل حاجة وهتاخذ فرصتك كاملة في التعبير عن مكنونات عواطفك والتهابات وجدانك لو عدت نسبة النجاح في الإستبيان.

- انتي غريبة جداً على فكرة.. بس ماشي.. هاتي الإستبيان.  
\*اتفضل..

إيه ده؟ مش معاك قلم؟ أدي 3 نقط اتخصموا واحنا لسه بنقول يا هادي.

- معلش أصل سببت الأقلام على المكتب.. معاكي قلم طيب؟  
\*طبعاً.. تحب رصاص ولا جاف؟

- مممم.. أي حاجة.. هاتي رصاص.

\*وأدي كمان نقطتين اتخصموا.. متردد ومش عارف انت عايز إيه.. وكمان  
عايز رصاص يعني في احتمال انك تمسح وتعديل في إجاباتك..

- إيه ده؟ انتي أكيد بهزري!

\*الجواز مفهوش هزار يا أسر.. عموماً جاوب بس جاوب.

- إيه السؤال ده مش فاهم.. يعني إيه عقدة أوديب؟

\*يعني هل ارتباطك بمامتك فيه أي شكل من أشكال الارتباط المرضي اللي  
اتكلم عنه فرويد؟

- فرويد مين؟

\*ده انت ضايع.. السؤال اللي ماتعرفوش حل اللي وراه.

- وإيه السؤال الغريب ده؟ إيه علاقة رضعت طبيعي ولا صناعي بأني عايز  
اتقدملك؟

\*ده له علاقة بمراحل تطورك كطفل وهل حرمانك من الرضاعة الطبيعية  
أثر على نموك النفسي ولا لا.





# عروسة

\*الحساب كام لو سمحت؟

- لأمش هاخذ منك فلوس يا أنسة، المرة دي علينا.

\*نعم؟

- والله مش بعاكس.. أنا بدور على عروسة.

\*وأنا مالي؟

- حضرتك بتيجي المحل بتاعنا ده كتير.. وبصراحة من فترة وأنا عايز آخذ منك  
نمرة بابا.

\*عايز نمرة بابا ليه؟

- هيكون ليه يعني؟ عايز آجي أزوكوا في البيت.

\*بس أنا لسه بدرس ومش بفكر في الحاجات دي دلوقتي.

- وإيه المشكلة.. لازم تكلمي دراسة طبعًا..

\*ممممم... انت بتشتغل إيه؟

- خريج تجارة وماسك محلات والدي.. وانتي في جامعة إيه بقى؟

\*جامعة الأزهر.

ما شاء الله.. يعني جمال وعلم ودين.

\* بلشكرة.. انت اسمك إيه؟

أحمد.. وانتي؟

\* جاسمين.

أزهر وجاسمين؟ ازاي يعني؟

\* نعم؟

فصيدي عاشت الأسامي.. اسم جميل أوي..

\* حافظ كام جزء من القرآن يا أحمد؟

5 أجزاء الحمد لله.

\* إيه ده؟ بس؟

.. ماهو إن شاء الله أحفظ ثاني يعني وكده..

\* مممممم.. سنة الظهر كام؟

.. أربعة قبل واثنين بعد.

\* مممممم.. صلاة الجنائز فيا كام سجدة؟

.. صلاة الجنائز!

\* إيه؟ مش عارف؟

.. لأ عارف، صلاة الجنائز ما فيهاش سجود ولا ركوع خالص.

\* تمام.. شاطر.

- الحمد لله.. وانتي بتدرسي إيه بقى؟

\*طب بشري.

- طب كمان؟ الله أكبر.. وفي سنة كام بقى؟

\*سنة تالتة

- يعني قدامك 3 سنين على ما تخلصي؟

\*وسنة امتياز

- يعني 4 سنين؟

\*واتنين ماجستير

- فرصة سعيدة أوي يا أنسة جاسمين.

\*معاك ورقة أكتبك نمرة بابا؟

- ما أنا هصلي استخارة، ولو في نصيب، أكيد هحلم بيها.. أه، وحسابك 27

جنيه وربيع!

\*\*\*\*

## زوجي وعليوة

مدام مروة سيدة مصرية مثقفة.. بتشتغل وعندها استقلالية في الشخصية..  
متجوزة بقالها خمس سنين..

جوزها إيهاب لطيف جدًا ودائمًا بيحبها هدايا ودباديب وورد وحركات..  
ومنتظم جدًا في إرسال رسالة على الواتس (بحبك يا مروة + إيموشن قلب  
أحمر) مرتين في اليوم.. مرة وهو بيشرب الشاي أول ما يوصل الشغل، والمرة  
التانية وهو بيضرب كودو أو مؤمن على نُص اليوم.

مدام مروة موسوسة حبتين.. وبدأ الفار يلعب في عيها لأن جوزها اترقى في  
الشغل وبدأ يجي بالليل متأخر 3 أو 4 أيام في الأسبوع..

زي أي زوجة مصرية مخلصه وصريجة، مدام مروة صحيت في يوم بالليل  
وايهاب نايم وفتحت اللاب توب والموبايل وبدأت تفتش في الرسائل  
والفيسبوك والإيميلات والواتس أب..

واحد مصحصح معانا للأحداث هيسألني فتحتهم إزاي؟؟ مفيش باسورد ولا  
أي نوع سيكيوريتي؟؟

هرد وأقولك (أولاً براقو عليك إنك مصحصح للتفاصيل اللي بتقع من المخرج  
دي) ثانيًا مدام مروة مش عبيطة.. كانت بتراقب إيهاب وهو بيفتح الموبايل

واللاب عشان تلقط رقم أو حرف كل مرة إيهاب يفتح فيها الموبايل أو اللاب  
قدامها..

ومرة بعد مرة قدرت تجمع الباسورد بتاعة الاتنين زي ما كنا بنجمع الصورة  
من أكياس الشمعدان زمان.. (لو حضرتك ملحقتش الشمعدان، يبقى حاول  
تسأل أختك الكبيرة أو ابن خالتك اللي عدى الـ 35).. وفرحت أوي لما لقت إن  
الباسورد بتاعت اللاب هي عيد ميلادها..

المهم،

مدام مروة مالقيتش أي حاجة مربية خالص.. كلها حاجات عادية خاصة  
بالشغل أو أصحاب إيهاب الرجالة اللي هي عارفاهم كويس واحد واحد..

مدام مروة اطمأنت شوية ونامت ليليتها في سلام..

بس ثاني يوم نفس الفار بدأ يلعب في مخها بقى المرة دي.. جواها شعور قوي  
إن جوزها بيخونها بس مش لاقية دليل ولا تفسير للشعور ده.. سميا بقى  
حاسة سادسة أو اللاشعور الكامن، المهم إنها لسه مش مرتاحة..

مدام سلوى صاحبة مدام مروة كانت عايشة في أمريكا وخلعت جوزها لأنه  
كان بيخونها برضو.. فاقترحت على مدام مروة إنها تأجر مخبر خاص يمشي  
ورا جوزها ويراقبه ويصوره ويديها ريبورت (تقرير يعني) في آخر الأسبوع..

مدام مروة عجبها الفكرة بس طبعا مالقيتش مخبر خاص في مصر لأن دي  
مصر يعني وفيها مخبرين مباحث بس.. فمدام سلوى اقترحت على مدام مروة  
إنهم يلجأوا للخبير في المواضيع دي اللي هو عم عتريس البواب..

مدام مروة ومدام سلوى راحوا لعم عتريس اللي أساسًا مخنوق من إيهاب لأنه  
مكرمشلوش حته بعشرين لما غسّله العربية النهارده الصبح.. ففرح بالفكرة  
وقالها ميكلف عليوة ابن عمه اللي في البلد بالمهمة دي..

عليوة فعلاً قبل بالمهمة وقعد أسبوع يراقب إيهاب في كل مكان ويمشي وراه  
بالمكنة الصيني بتاعته..

أخر الأسبوع كان التقرير نضيف زي البوكسر لما تجيبه من على الجبل..  
عليوة رفع تقرير قضى على كل الشك اللي في قلب مدام مروة.. إيهاب فعلاً  
ببناخر في الشركة 3 أو 4 مرات في الأسبوع..

إحساس مدام مروة بالذنب إنهما شكت في جوزها خلاها تجيبلة هدية آيفون 6  
بلس اللي كان نفسه فيه..

كله قشطة كده؟

نالي يوم بعد الساعة 4 العصر، إيهاب نزل من شغله وخرج من الباب الوراني  
زي ما بيعمل 3 أو 4 مرات في الأسبوع وساب عربيته مركونة قدام الشركة.. لما  
خرج من الباب لقى عربية مقيمة الأزاز واقفة مستنياه كالعادة..

فتح الباب اللي جنب السواق وركب..

.. أناخرت عليك يا حبيبتي؟

\*ردت عليه مدام سلوى وهي بتديله كاس تمر هندي في صحته: متقدرش  
تتاخر عليا يا حبيبي..

\*\*\*\*

# البطاريق

- ايه يا بني الكراتين اللي انت داخل بيها دي كلها؟؟

\*أصل أنا خلاص لقيت عروسة يا والدي الحمد لله..

- ودي أجزاءها يعني وهتجمعها هنا في البيت؟

\*يا والدي أجمعها ايه بس.. لأ طبعًا.. الكراتين دي فيها حاجة زي ماتقول كده  
ملابس..

- أنا مش فاهم حاجة يا أنس يا ابني.

\*فاكر يا والدي أحمد صاحبي من أيام الجامعة اللي من الصعيد؟

- أيوة فاكره.. واد ابن ناس ومتربي.

\*أهو أنا بقى عايز أخطب أخته.

- وانت شوقتها فين دي يا أنس؟

\*شفتها؟؟؟ طبعًا ماشفتهاش يا بابا!.. ولا أعرف اسمها حتى.. يوم الدخلة إن  
شاء الله ناوي أسألها عليه.

- أمال يا ابني عايز تخطبها ليه؟

\*أولاً لأن أحمد ابن ناس زي ما حضرتك قلت.. وبعدين بنات الصعيد يا والدي  
حاجة تانية.. بنت كده ب 23 راجل.. تقف جنب جوزها في أحلك الظروف..





\*هههههه...بيت الحاج حسانين اللي في آخر الشارع ده... أكيد انتوا جامد

عشان عيد الميلاد صح؟

- عيد ميلاد إيه؟

\*عيد ميلاد بنته ماهيتاب.. دول متعودين يعملوه كل سنة ويجيبوا (دي جي) جامد موت!

- (دي جي)؟!؟

\*أيوة أنا بشتري حاجة بس ورايح أهو عشان ألحق الرقصة من أولها.

- رقصة؟؟ رقصة إيه؟

\*أصل السنة دي هنرقص رقصة البطاريق!

\*\*\*\*

## حثة تورتة وبس

أخيرا اتجوزنا بقى! إيه الحلاوة دي.. أبوة كده... خلي الواحد يدخل دنيا  
بلى!!

\* الحمد لله يا حبيبي.. على الرغم إن أمك الصراحة شلّتني الفترة اللي فاتت،  
لما كلو يهون عشان الحب الكبير..

صبح جدًّا.. هي أمي بس مسيطرة شوية.. لكن على مين!! ده أنا بحبك حب..  
مش عارف أوصفه.. يعني يكفيكي ويقيض.. حب كده أسطوري.. محصلش في  
تاريخ البشرية كلها..

\* أنا مش عارفة كنت هلاقي زيك فين يا روح قلبي.. يا حبيب حياتي..

.. نفسي أخذك ف حضني وماسيبكيش أبدًا أبدًا يا مراتي يا أحلى واحدة في  
الدنيا..

\* خدني ف حضنك يا جوزي يا أحسن راجل ف الدنيا..

.. تعالي يا مراتي يا حبيبتي يا قطتي انتي..

\* إيه ده؟؟ انت وأكل إيه؟

.. أبدًا يا حياتي من أكل الفرح عادي.. يمكن كُتّرت في الكبدة بس شوية

\* ما هو واضح!!.. روح تغسل الكبدة دي يا روحي.. وباريت تستحمي كمان  
بالمرة.. ريحتك لما قربت مني فظيعة!

- نعم؟؟؟ مالها ربحتي بقى؟؟ ده البرفيوم اللي أنا حاطه ولا عمرك تعرفي تجيب  
زيه!!

\*أولاً برفيوم دي يعني عطر حريمي.. الرجالي اسمه كولون.. بطلوا جهل بشي  
- جهل؟؟ الله يرحم!!... أبوكي افكر إن عرايس ديكور النيش حلاوة مولد وكان  
هياكلها!!

\*مش أحسن من أمك اللي افكرت الميكروويف دفاية وكانت هتخط أيدها فيه  
عشان سقانة!!

- طب دي ست كبيرة مانلومش عليها.. الدور والباقي عليكي ياللي عاملة فيها  
برنسيسة وهجمتي على التورته زي التمساح الإفريقي اللي شاف غزالة!!.. كان  
ناقص يجيبولك مغرفة بدل الشوكة!

\*قصدك إن أنا مفجوعة يعني؟؟؟

- مفجوعة وستين مفجوعة كمان!!

\*أيوة أيوة طلع السواد اللي جواك وبان على حقيقتك يا معفن يا فلجر!!

- لأ فلجر إيه ماتغيريش الموضوع وتهربي من النقاش يا جبانة!!

\*أنا جبانة يا جاهل!!! أنا عابزة أطلق!! طلقند-----يا!

- في ستين ألف داهية ياختي.. المأذون اللي جوزك يطلقك!!

\*أهى أهى أهى.. انت حيوان.. كل ده عشان قولتلك ربحتك كبدة!!

- اللهم اخزك يا شيطان.. يا ساتر يا رب.. دي أكيد عين وصابتنا والله.. ولاد  
خالتك كانوا واقفين يبصوا علينا ولا مصاصين الدماء في فيلم تواليلايت..

أهـ أهـ أهـ.. عمري ما هسامحك أبداً.. أنا مفجوعة برضو.. أهـ أهـ  
فلاص بقى دي كانت ساعة شيطان وراحت.. قومي بينا نصلي ركعتين  
واسهدي بالله  
فلاص..

أهـ أهـ أهـ.. طب هتستحمي؟  
أهـ أهـ ٢٢ طب ماشي هقوم أستحمي..  
أهـ أهـ أهـ.. أهـ أهـ

أهـ أهـ أهـ.. أنا شاكك فيهم.. تكون حاطة حاجة بتعمل  
أهـ أهـ.. أنا هشوف باقي الكبدة أكل لقمتين قبل ما أستحمي..  
أهـ أهـ.. وأنا هقوم أشوف بقية التورته.

\*\*\*

# أهم إنسان!

- أحمد.. أنا متضايقه أوي من غيرك..

\*معلش يا مها مش بإيدي معلش..

- أنا فعلا مش عارفة أعيش من غيرك..

\*والله أنا لو بإيدي عمري ما أتأخر عنك أبدًا يا مها.

- بتخانق مع أهلي ومش طايقه نفسي.. حتى أصحابي ملاحظين غيابك عاملاً  
فيا إيه!

\*على عيني والله يا مها.. أدي الله وأدي حكمته..

- أحمد انت ماتعرفش انت إيه ف حياتي.. أنا من غيرك ماكنتش هتخلص  
الماجستير.. ولا هتفوق ف شغلي.. انت كنت الشعلة اللي بتمدني بالأمل..  
الشخص الوحيد اللي عارفة إنه عمره ما هيقولني ولا يخذلني..

\*والله كلامك ده بيقطع فيا من جوة يا مها..

- أحمد انت أرجل انسان عرفته ف حياتي.. دايماً عند كلمتك.. دايماً بتعامل  
الناس بضمير.. عمرك ما غشيت ولا نافقت.. عمرك ما كذبت ولا لفيت ودروك  
زي التانيين..

\*أنا أسف يا مها إني مش قادر أقف جنبك..

- أنا هتجنن.. من غيرك حياتي مظلمة.. نفق طويل مش شايفاله نهاية..

\*الله يهون يا مها..

لا يا أحمد ماتقولش كده.. عشرة السنين والمواقف اللي عديناها مع بعض..  
الصعوبات اللي خطيناهها سوا.. لا يا أحمد لأ.. الحاجات دي ماتهونش أبداً..

\*فعلاً يا مها.. العشرة ماتهونش إلا على ولاد الحرام..

أحمد أنا آسفة إذا كنت بزود همومك بكلامي ده..

لا يا مها.. انتي بالذات تقولي اللي انتي عايزاه.. انتي كنتي معايا ف كل خطوة  
ال الطريق..

ياااااااه.. فاكريا أحمد أول مرة اتقابلنا فيها؟؟ البنات الخجولة المرتبكة اللي  
مش عارفة تقول كلمتين على بعض.. فاكرازي خدت بإيدي وكنت متفهم  
جداً..

\*هي دي حاجة تتنسي يا مها.. أنا فاكركل حاجة زي ماتكون امبارح..

أحمد.

\*نعم يا مها.

أنا عايزة أقولك حاجة نفسي أقولها لك من زمان.

\*طبعا يا مها قولي.

انت أجدع وأرجل وأحسن وأجود ديلر عرفته ف حياتي كلها.. ربنا يفك  
سجنتك ويطلعك على خير..

\*ربنا يخليكي يا مها.

.. طب بالنسبة للديلر الجديد.. كنت عايزة رقمه ضروري بليز!

\*\*\*

## جنازة عم فتحي

- هو مين يا أميرة الراجل اللي قاعد في أول الصوان ده؟

\*معرفوش يا ماما.. بس شكله غريب أوي!

- أنا لازم أعرف مين الراجل ده!.. أبوكي الله يرحمه كان معرّفني كل أصحابه  
ومعارفه.. والراجل ده مش شبيههم خالص!

\*ماخلص بقى يا ماما الرجالة هتسمعك برة!.. وبعدين قصدك إيه يعني  
الراجل ده مش شبه بابا الله يرحمه وأصحابه؟

- لبسه كده وطريقته غيرهم.. متقالط أوي في نفسه!

\*هو شكله مستفز الصراحة!.. بس خلاص بقى يا ماما أهى ليلة وتعدني  
وخلص!

- طب روجي انتي شوفي أم محمد عشان القهوة بتاعت الرجالة، وابتعلي الواد  
سيكا..

\*\*ف الصوان\*\*

- مين يا عبد الحميد الراجل اللي بيشرّب سيجار هناك ده؟

\*ولا عمري شوفته قبل كده!

- هو فتحي الله يرحمه كان يعرف الأشكال النضيفة دي؟



\* هليك ف حالك يا عوض.. احنا ف عزا مش قاعدين على القهوة!

\* مسحيح، إيه رأيك نروح نعزمه على حجرين سلوم على القهوة بعد العزا  
مايخلص ونعرف حكايته؟؟

\* حجرين سلوم؟!.. واحد بيشررب سيجار تمنه يجيب منك ٣، هيقعد يشرب  
هناك سلوم عالقهوة!

\* بص بص!!.. مش ده الواد سيكا اللي كان شغال ف دكان فتحي الله يرحمه؟؟

\* أهوة هوا!.. إيه اللي جايبه عند الراجل الرخم أبو سيجار ده!

\* اقطع دراعي يا عبدالحميد ان مكانش الموضوع فيه أنا!

\*\* داخل البيت\*\*

\* مساء الخير يا مدام .. البقاء لله.

\* ملشكرين يا خويا شكر الله سعيكم.. ألا أنا عندي سؤال معلش، هو  
حضرتك مين بالظبط؟

\* اسمي حامد الورداني.. كنت أعرف المرحوم فتحي كويس.

\* عاشت الأسامي يا سي حامد.. بس يعني المرحوم عمره ماجابلي سيرتك قبل  
كده.

\* أيوة عارف.. مكانش ينفع يجيب سيرتي.

\* ليه لامواخذة؟

\* المرحوم كان بيشتغل معايا..

\* بيشتغل معاك؟؟.. فتحي مكانش بيشتغل غير في الدكان!

- انا بقى مأجر منه المخزن بتاع الدكان.

\*المخزن؟؟

- أيوة وبخزن فيه بضاعة بتاعتي

\*عطارة يعني؟

- لا مخدرات.

\*ياللهوي!!.. انت بتقول مخدرات!!!!!!

- وطي صوتك!.. أيوة مخدرات

\*أنا جوزي شريف وعمره مايعمل كده أبدا!!

- هاتي مفتاح المخزن والدكان وتعالى وأنا أوريلك.

\*انت بتقول إيه!!..؟ يستحيل!!.. فتحي يستحيل كان يدخّل علينا قرش

حرام!!.. أنا هبلغ البوليس حالا!!!!!!

- فتحي كان متجوز عليكي بنت صغيرة في بلد على أول الزراعي.. وكان بيروحها كل شهر اسبوع.. وكان بيقولك انه رايع الشرقية يجيب عطارة!

\*نعم نعم نعم؟؟؟؟

- أيوة والبت زي القمر.. وبتليفون صغير ممكن أديها العنوان وتيجي تدور على

ورثها ف الدكان والبيت!

\*انت بتقول إيه؟؟!!

بصبي يا أم أميرة.. فتحي كان بياخذ عشرتلاف جنيه في الشهر عشان يخزن  
البنهاعة.. وانا مش عايز أغير المكان بصراحة.. وأهو انتي أولى بالفلوس  
عشان جواز اميرة والبنات..

\*بستحيل أبدًا!

انا نشر الف ف الشهر.. كلمة كمان وملتصل بمراته الثانية تيجي!

\*كان ماضي معاك عقد إيجار جديد ولا كلمة رجالة كفاية؟؟

\*\*\*

# والله يا بنتي مانا عارفة!

- وانتي يا حبيبتي ناوية تخلفي تاني ولا إيه؟

\*نعم يا طنط!

- أبداً يا بنتي بس انتوا ناويين على إيه يعني انتي وياسر.. هتخلفوا تاني ولا لا.

\*والله يا طنط ده قرار بيني وبين ياسر والحقيقة لسه ما اتكلمناش فيه لاني زي ما حضرتك شايفة لسه ما فككتش خياطة الجرح!

- مش عارفة والله يا بنتي، اليومين دول البنات بيستسهلوا القيصري كده ليه.. على أيامنا الواحدة كانت تولد وتقوم تعمل حلة محشي..

\*مش بمزاجي يا طنط.. الدكتورة التي كنت متابعة معاها هي اللي قررت مش أنا!

- والله مانا عارفة يا بنتي إيه موضوع الدكتورة ده.. على أيامنا الواحدة كانت تروح للدكتورة بعد ما الواد ولا البت نصه يخرج ومستني بس حد يشقطه..

\*يشقطه؟؟.. معلىش يا طنط العلم اتطور والطب دلوقتي مش زي زمان!

- والله ما أنا عارفة يا بنتي، الواحدة مننا لا كانت بتسأل في طب ولا غيره.. وأديكي شايفة أهو خلفت أربعة.

\*ربنا يخليكي يا طنط.. انتي مش كان وراكي مشوار باين؟

والله يا بنتي ما أنا عارفة.. أنا جيت أقعد معاكي في المستشفى أونسك.. مع  
إن الواحدة مننا ماكنتش تروح المستشفى دي إلا وهي بتخلص على الإنعاش  
على طول.

\*ربنا يديكي الصحة يا طنط.. ياسر بيجيب ماما وجاين ف الطريق .. مفيش  
داعي حضرتك تتعبني نفسك يعني!

والله يا بنتي ما أنا عارفة البننت من دول عايزة تعمل المستشفى جونينة وتعزم  
كل قرايبها كده ليه.. ده الواحدة مننا لما كانت تروح المستشفى كانت تكسف  
لقول لحد.

\*إيه ده؟ معاد الدوا! زمان الممرضة جاية دلوقتي عشان تغبرلي على الجرح  
كمان.. في كافتيريا تحت لو حضرتك تشربي كوباية شاي ولا حاجة على ما  
الممرضة تخلص!

والله يا بنتي مانا عارفة لزمتهما إيه الأدوية والغيار على الجرح ده.. أنتي  
ماتضربيتيش بالنار يعني.. ده حتة عيل.. الواحدة مننا كانت تخلف العيل  
وتحمد ربنا لو كان في منديل كلينكس جنبها عشان تنف فيه..

\*أنا حاسة بشوية دوخه كده.. يمكن من البنج.. هنام أنا شوية يا طنط لحد  
ما الممرضة تيجي بقى.

والله يابنتي ما أنا عارفة إيه البنج ده كمان.. أدبكي مش عارفة ترضعي الواد  
لحسن يرضع بنج يجيله تخلف عقلي.. الواحدة مننا كان العيل ينزل من هنا  
على الرضاعة على طول..

\*لأ يا طنط ماتخافيش!.. وروحي اشربي شاي بقى!



## بسنت.. تاني!

.. انت قافش ف الموبايل بقالك ساعة كده ليه؟

\*العرفت على مزة من شوية وبعثتها فريند ريكويست وقبلت!

.. اتعرفت عليها فين؟

\* اتقابلنا ف بوست كده.. كومتت من هنا على لايك من هنا واللييلة مشيت..

.. يا لعبك!.. ونظامها إيه؟

\* مش هتصدق!!!.. في تالته آداب إنجلش!

.. يا ابن المحظوظة!!! عملتها ازاي دي!!!.. آداب يا بني صعب جدا!!!!!! تعرف  
منها موززا!.. محجوزين لحد دفعة 2018 والطلب عليهم عالي! وآداب إنجلش  
بقى بالذات لازم واسطة وزير أقل حاجة عشان تظبط مع مزة منهم!!!..

\* أنا مش مصدق نفسي الصراحة!.. أنا اتعرفت على مزة من آداب إنجلش يا  
نا!!!!!! اس!.. كوكب الكعب العالي!.. دنيا الأزياء!.. جزيرة الرقة والسهوكة!..  
عالم الميك أب ثلاثي الأبعاد!.. واحة الشعر بمختلف فناته وألواناته  
وقصاته!..

.. ما تنساش أخوك بقى يا نجم تظبطه معاك!

\* طبعاً!!!!!!.. يا ابني انت كويس وطموح.. يعني في يوم من الأيام عادي ممكن  
توصل حتى آداب فرنساوي أو إعلام مين عارف..

- لأمش أوي كده.. عشان تظبط مزة من آداب فرنساوي ولا إعلام معانا  
علاقات ف جهات سيادية.. وانت عارف أنا معرفش أي حد مهم خالص  
\*عندك حق.. طب خلاص.. نحاول نشوفك حاجة وسط كده.. حياها  
أوروبية مثلاً.. أو مكتبات... وممكن عبري لو شديت حيلك وبطلت تحط  
على شعرك..

- بجد؟؟ تفكر ليا فرصة؟

\*طبعا!!!!... لأ وفي حاجة كمان يا برنس..

\*حاجة ايه تاني الله يحركك!

- أسمها بسنت!

- بسنت!! انت كده دخلت التاريخ من أوسع أبوابه!!.. آداب وإنجلش وبسنت  
دول مع بعض التلاتة، مايتحصلش غير كل 345 سنة شمسية لما كوكب زحل  
يتعامد مع عمارة فرغلي بتاع العصر.. ممكن ف أي لحظة السي بي سي  
يطلبوا يصوروا معاك!

\*ما أنا عارف.. أمال انت شايفتي مزقطة ليه؟.. ادعيلي بقى.. وأنا هروح  
دلوقتي أغير البروفایل وأكتب فيه المعجزة اللي حصلت دي!

\*\*بعد أسبوع\*\*

- إيه يابني بقالك كام يوم مختفي؟؟ وبعدين إيه أم الكآبة اللي انت فيها دي؟!

\*مطعون ف قلبي.. ومن مين!.. الإنسانة الوحيدة اللي قلبي دقلها!

- إيه؟ طلعت بتلبس جزم فلات وكوتشيات؟

\*لا..



طلع اسمها أميرة أو إيمان أو رانيا؟

لا

ينحط برفانات تركيب من عند الواد حماسة؟

لا

ينحط الموبايل ف الطرحة؟

لا

أمال إيه وقعت قلبي!

\*أهه أهه .. طلعت تربية!

\*\*\*\*

# الكينونة

- أنا مش قادرة خلاص أهى أهى.. دي مش عيشة دي.. أهى أهى..

\*يا حبيبتي احنا بقالنا شهرين متجوزين!! مش شايفة انك بدأتي النكد بدرى كده ولا إيه؟

- كمان بتقولي نكد؟ أهى أهى.. انت مش بني آدم.. انت وحش أسطوري.. كل همك تجيبلي هدايا وتخرجني وتقولي بحبك.. لكن تهتم بيا أنا وباحتياجاتي لا.. أهى أهى..

\*طب معلىش.. ممكن طيب أعرف احتياجاتك لآخر مرة؟

- أهى أهى.. انت هتستهيل!!.. هي أي بنت لما تجوز أحلامها إيه؟؟ طموحتها إيه؟؟.. انها تحس بكيونتها طبعًا.. أهى أهى..

\*معلىش أنا غبي.. اشرحيلي كينونتك بالراحة.. كينونة كينونة..

- باقة النت يا أستاذ!! أهى أهى.. يعني إيه الباقة تخلص وأقعد من غير نت؟؟ أهى أهى..

\*يا حبيبتي ما انتي اللي خلصتها في 3 أيام!! وجددناها وخلصتها بعدها بيومين!

- أهى أهى.. وإيه يعني؟ أمال أنا اتجوزت ليه! أهى أهى..

\*ماشي.. إيه كمان؟

طرطشة الزيت لما بحمر بطاطس أوفراخ.. أهى أهى.. ليه أتلسع أنا ياربي  
أهى.. أهى.. عايزة لبس واتي من بتوع المطافي.. أهى أهى..

\* حاضر يا حياتي.. هعدّي على الدفاع المدني وأنا راجع أشحت منهم واحد.. ايه  
كمان؟

المواعين.. أهى أهى..

\* طب دي نعمل فيها إيه بقى؟؟

أطباق ومعالق وشوك وسكاكين بلاستيك طبعًا.. أهى أهى

\* سهلة... حاضر.. إيه كمان؟

لو افتكرت حاجة هقولك.. أهى أهى.. آه يا كينونتي يانا.. أهى أهى.

\* ماشي يا روح قلبي.. أنا هتزل دلوقتي أجيب الزي الواتي من الحرائق والأطباق  
البلاستيك وأجي على طول.. ولما أرجع أجدّلك باقة النت.. مبسوسة كده؟

.. لألسه.. أهى أهى.. مش شايفني لسه بعيط؟؟ .. حاول تصالحني بحاجة ذهب

وانت جاي.. أهى أهى.. عشان كينونتي.. أهى

\* سهلة برضو.. ساعتين زمن وجاي علطول..

\*\* بعد ساعتين\*\*

.. انت جيت يا حبيبي؟

\* أيوة يا روحي.. تعالي بقى اتفرحي على الحاجات.. عشان تعرفي جوزك بيحبك  
أد إيه.

.. يعني أخيرًا همس بكينونتي!

\* طبعًا!!!!!!



# الترزي الشاطر

للخيل مع بعض كده ترزي وزبون..

الزبون راح للترزي عشان يفصّل حاجة على مقاسه بالملي..

لو الحاجة طلعت واسعة يبقى الترزي بياع ترمس

ولو طلعت ضيقة يبقى برضو بياع ترمس عادي..

المفروض الترزي يبقى شطور وعفريت ويعرف ياخذ المقاسات صح جدًّا من

الأول..

حلو أوي..

لو الترزي بقى مش شطور ومش هيعرف ياخذ المقاسات صح؟

حاجة من تلتين: الزبون يمشي وبروح يدور على ترزي شاطر،

أو يساعد الترزي في أخذ المقاسات ويعرفه هو عايز اللبس يطلع أزاى..

الترزية الشطار مش كثير.. مش هينفع نروح كلنا نفصل عندهم..

وكمان الترزي الشاطر غالي.. وممكن يكون بطيء وحرامي..

الترزي اللي مش شطور ممكن يكون أمين وابن حلال وسريع..

طبعًا كلكوا عفاريت وعرفتوا قصدي إيه..

كلنا لدينا احتياجات.. مهما كنت مستقل وناجح وحويط وضاربها صرمة ومباري  
محتاج حد.. برضو ليك احتياجات.. ماتخليش اليأس والكبرياء يشتغلوك..  
أحلى حاجة في الدنيا إن كل واحد ياخذ احتياجاته بالمللي على مقاسه زي ما  
هو عايز..

والأحلى إنك تلاقي ترزي مخصوص فاهمك وشاطر يعرف يفصلك احتياجاتك  
على مقاسك..

لكن طبعا احنا مش في يوتوبيا بتاعة توماس مور..

احتمالات إنك تلاقي ترزي شاطر ومش غالي ومش حرامي، تكاد تكون صفر..  
وعشان كده كلنا بنرضى بترزي نُص ونُص..

على شرط إنك لازم تساعد التريزي..

الناس اللي كبرياءها بيمنعها تقول مقاساتها للترزي غلطانين.. لازم ندي  
للترزي معلومات تساعدته إنه يفصلك اللي انت عايزه وبالمقاس المظبوط..

محدث يقوِّي بقى إن لو ساعدت التريزي وقولتله المقاسات يبقى كده خلاص  
اللبس مالوش طعم..

لأ.. هيبقى ليه طعم بعد شوية..

والإبقى خليك قاعد عربان ومستني لحد ما تلاقي ترزي شاطر بيضرب الودع  
ويفتح المنديل ويعرف مقاساتك لوحده من غير مساعدة..

في حالة بقى إن التريزي مش عايز يفصل أصلاً عشان كسول أو مش مهتم،  
شوفلك ترزي ثاني على طول.. مش معقول تفضل عربان يعني عشان التريزي  
مش عايز يشتغل!..

لناس بتحب تشتري جاهز وبعدين تظبط هي المقاسات بالملي بعدين..  
وماله.. المهم تشتري أقرب مقاس ليك عشان ماتحتاجش تظبط كثير..

هد بالك إن كلنا ترزية وكلنا زباين..

كلنا عارفين مقاساتنا واحتياجتنا زي قرود الشميانزي.. لكن نعرف بقى  
مقاسات الآخرين لأ.. نتحول إلى دودة الأرض الحزينة..

زي ما انت زبون قليط وتتك وعاييز تلبس على مقاسك بالملي من ترزي شاطر،  
انت برضو في ذات نفس التوقيت ترزي.. ومطلوب منك تكون ترزي شاطر  
بشدر الإمكان وتفصل للناس الي حواليك لبس على مقاسهم..

طبعًا الترزية بياعين الترمس منتشرين أوي ماشاءالله..

والناس الي حظها وقع في بيع ترمس يا عيني لابسين لبس مقطّع وكل واحد  
مكلفت نفسه بشوال..

وفي ناس عريانين مش لاقيين حتى الشوال..

الناس دول موقفهم صعب طبعًا وحساس ومش عارف أقولهم إيه..

لكن لو تقدر تشوف ترزي تاني، دوس يا برنس ولا تتردد.. الدنيا برد ومش  
طالبة ارتعاش ف الأعضاء..

لو متقدرش، حاول ترزغ الترزي بتاعك 30 قلم على سهوة يمكن يفوق..

لو مافاقش، شوفلك شوال مقطوع من أي حته لحد ما رينا يفرجها من عنده..

في معلومة مهمة ف الآخر، مش معني إني جبت سيرة الترمس يبقى وحش،  
أبسوليوتالي.. الترمس حلو وكويوت ولطيف.

\*\*\*

## (٢٠ دقيقة قرارات)

١٩ نوفمبر 2015

١١:٣٠ صباحًا

- (بهدهوء) آلو.. أيوة يا نانسي.. بقولك إيه، فاضية خمسة كده؟

تمام، شوفي يا ستي، مش هقدر أنزل معاكي بكرة المول ..

لا عادي فاضية ماورايبش حاجة

لا لا ماطلعيلش مشوار فجأة ..

ماما؟؟.. لا ماما مش معترضة خالص

لا مش تعبانة برضو أنا زي الفل ..

لا لا مودي تمام ومزاجي ف السحائب

(بهدهوء لسه) أبدًا قررت إني ما أخرجش تاني مع واحدة أنانية ماتعرفنيش غير

لما مانجو وبرمود يعملوا sale، وكل كلامها عن مشاكلها مع حازم وسالي اللي

عاكست حازم ومامت حازم وعربية حازم والهدية اللي جاهاها حازم وازاي

قفشت مع حازم لما أنكر انه شاف المسج بتاعتها رغم انها كانت seen..

لا والله ما بهزر يا نانسي ..

أيوة بتكلم جد يا بنتي والله ..



أبوة ببيع عشرة الكام سنة القذرة اللي عرفتك فيهم..

أه صحيح، قبل ماتقفلني، حازم راس السنة اللي فاتت لما قالك إنه سهران مع مامته عند دكتور السنان، أحمد أخويا شافه مع مزة ف السخنة من الوصف كده متيالني انها جيبي زميلتك ف الشغل.. باي.. (بتفضل السكة)

١١:٣٥ صباحا

.. (بهدهوء) ألو.. أبوة يا خالد.. فاضي خمسة كده؟

طبعا طبعا عارفة إنك مشغول ومطحون شغل..

لا لا مش متصلة أنكند عليك ولا أطلب منك اهتمام ولا أي حاجة ..

تيجي بس تاخذ الشبكة بتاعتك من عم إبراهيم البواب ..

أبوة هسيهالك مع عم إبراهيم تحت..

.. (بهدهوء لسه) لا مفيش، بس قررت ان كفاية تظاهر بسعادة فاكسة وكفاية

عشم بأن القرف بتاعك ممكن ينتهي ف يوم من الأيام وتبقى بني آدم محترم

وأد كلامك..

لا لسه ماخلصتش،

وكفرت بشخصيتك الكدابة المزاجية الخاينة الشهوانية البراجماتية الجافة..

لا لسه ماخلصتش، وقررت ان كفاية بقى حالي المزاجية تتأثر ب ناس

الجلافة عندهم أسلوب حياة..

جلافة؟.. أبقى بص معناها ايه ف جوجل..

لا لا خالص والله ما بهزري يا خالد..

ايوة بتكلم جد يابني والله..

ايوة بفسخ الخطوبة كده بمنتهى البساطة وبيع الحب القدر اللي كان بيننا  
أه صحيح، قبل ماتقفل، ال ٢٠٠٠ جنيهه اللي أخذتهم مني السنة اللي فاتت  
عشان تجيب البدلة اللي رocht بها الإنترفيو، تجيبهم معاك تدبهم لهم  
ابراهيم ..

لأ ماهو انت لو ماجيبتهمش معاك، عم ابراهيم هيروح يبيع الشبكة ل أولكل  
جورج الجواهرجي اللي على ناصية شارعنا اللي جنب جيمي بتاع التصوير..  
باي.. (بتقفل السكة)

١١:٤٠ صباحا

- (بهدوء) ايوة يا أستاذ نعيم.. فاضي خمسة كدة؟

ايوة عارفة اني ماجتش الشغل انهاردة ..

لا مش تعبانة ولا عندي ظروف ف البيت ولا عايزة أخذ اليوم اجازة ولا رايحة  
اجيب عمي من المطار ولا عندنا حالة وفاة ف البلد ..

أبدا قررت ان كفاية شغل ف مكان مليون نفسنة وحقد وعلاقات مشبوهة  
ومصالح ونفاق وغباء وتقليدية وادارة عقيمة وهيكل تنظيمي قدر..  
- (بهدوء لسه) لا مفيش مشكلة مش عايزة الفلوس دي.. أبقى خدهم اشترى  
بهم دسنة مزيلات عرق مستورد ودسنة شرابات جديدة عشان خاطر ربنا ..  
أه صحيح، قبل ما تقفل، مدام أمل بتاعت الحسابات كلمت مراتك وبعثتها  
كام سكرين شوت كده من الشات بتاعكو ..

عرفت منين؟.. ماهو مدام أمل بعثلنا كلنا ال سكرين شوت ف الايفنت بتاع  
الشركة الخميس اللي فات.. باي.. (بتقفل السكة)

١١:٤٥ صباحا

..الو.. أيوة يا طنط عفاف.. فاضية خمسة كدة؟

لا ماروحتش الشغل.. استقلت..

(بهدوء لِسَّه) لا مالكيش دعوة استقلت ليه وبطلتي تحشري مناخيرك الطويلة  
القدرة ف أمور الناس..

و بلاش اي عرسان قدرة من ناحيتك تاني وياريت تقطعي معانا خالص..  
لا ماما لِسَّه ماتعرفش.. هكلمها اقولها بعد مانقفل..

اه صحيح، قبل ماتقفلني، جوزك القدر كان بيتحرش بيا من وأنا في ثانوي كل  
ما تيجوا تزورونا زيارة من زيارتكوا القدرة.. أيوة ياريت تسألينه على الحوار ده..  
باي.. (بتقفل السكة)

١١:٥٠ صباحا

ألو أيوة يا ماما.. فاضية خمسة كدة؟

لا ماحصلش حاجة ف البيت..

لا أنا كويسة جدا جدا الحمدلله ..

لا أحمد لِسَّه نايم زي الخريت كالعادة ..

(بهدوء لِسَّه) لا مفيش حبيت أقولك بس إني سيببت الشغل وفسخت  
خطوبتي..

ومش هتخطب تاني إلا بمزاجي حتى لو قعدتي تعيطني ٦ سنين متواصل وحتى

لو وصلت ٤٣ سنة والعيال بقوا يحدفوني بالطوب في الشارع ويقولوا

العانس أهى أهى ..

لا مش بهزر يا ماما..

أيوة بتكلم جد والله ..  
أه صحيح، قبل ماتقفلني، أنا كلمت طنط عفاف هزأتها من شوية وغالبًا  
هتقطع معانا للأبد ..  
ها، أطلع فرخة تفك من الفريزر ولا نطلب جاهز النهارده؟

\*\*\*\*

## الملافظ

امتحان شفوي كلية صيدلة - مكتب دكتوراة ندى:

- اسمك؟

\*حسن رمضان عبد الوكيل عبد الخالق

- تحب تموت شرقان وانت بتشرب ولا زوران وانت بتاكل؟

\*في الحاتين انسداد في مجرى التنفس.. بس لو أكلة يا ريت فتة كوارع.

- طيب لو هتموت برصاصة.. تحب تكون ف قلبك ولا راسك؟

\*لا قلبي طبعاً

- ليه؟

\*يعني.. هيكون معايا وقت قبل ما أموت على ما البطين الأيسر يفضى.. الحق

أدغدغ الموبايل وأتشاهد وكده.

- طيب لو هتموت في العناية المركزة.. ذبحة صدرية ولا جلطة في المخ؟

\*جلطة في المخ.. مفهاش ألم.

- اممممم.. طب لو مرض مزمن، سرطان في الدم ولا تليف في الكبد؟

\*صعبة دي يا دكتوراة.. الاتنين هيخربوا بيتي فلوس قبل ما أموت.. ممممم..

تليّف ف الكبد ماشي..

- طب لو ملدوغ... أفعى ولا عنكبوت سام؟

\*أفعى.. واضحة دي.. عشان البرستيج وكده.

- في البحر، سمكة قرش تهبشك؟ ولا إسفيكسيا الغرق؟

\*غرقان.. عشان أدغدغ الموبايل وأت شاهد برودو.

- طب لو في الغابة، أسد جائع ولا ذبابة تسي تسي؟

\*أسد طبعا.. عشان الإندورفينز اللي مخي هيفرزها مش هتخليني أحس بحاجة.

- طب والموبايل؟

\*هدغدغه قبل ما أروح الغابة.

- تمام.. زلزال وتموت بعمود مسلح وقع فوق راسك ولا الأسانسير يقع بيك من الدور ال 15؟

\*الأسانسير.. هموت بقصور في الدورة الدموية من الرعب قبل ما الأسانسير يخبط ف الأرض.

- تتعدم شنقا ولا بالكهربا؟

\*شنقا عشان بعد انفصال الحبل الشوكي مش هحس بحاجة..

- ممتاز يا حسن.. يلاً اتفضل..

\*يااااه.. الحمد لله يا دكتورة.. أنا كنت خايف أسقط في المادة بتاعة حضرتك بصراحة..

- تسقط؟؟ الملائف سعد يا حسن!!

\*\*\*\*

# الأم الفضيلة.. جدًا

.. ومعانا اتصال.. ألو

\* ألو.. برنامج الأم المثالية؟

.. أيوه يا فندم مين معايا؟

\* معاك مدام جيلان من القاهرة

.. اتفضلي يا مدام.. طلبك إيه؟

\* عايزة ابني يطلع شخصية نرجسية أنانية مستفزة حقيرة لو سمحت.

.. أوي أوي يا فندم.. حضرتك تعلميه يتف على الناس من عمر شهرين.. تعلميه

كل الشتايم وتحرميه من الرضاعة لو ماشتمش عمو وطنط.. تشجعيه

باستمرار يضرب أي حد مايعجبوش.. ولازم يكون له مكافأة خاصة لو عمل

بيبي على حد.. وإوعي تعاقبيه على أي حاجة غلط يعملها.. ودايمًا دايمًا تنفخي

فيه قدام الناس بدون ما يعمل أي حاجة تستحق المدح.. خدمة تاني يا فندم؟

\* ميرسي أوي.. باي.

.. وناخد اتصال تاني.. ألو.

\* ألو.. كنت عايزة ابني يطلع شخصية مهزوزة معدومة الثقة وهفية ومالوش

رأي وابن أمه لو سمحت..

.. عيني يا مدام.. نتعرف بيكي؟

\*لأ مش هقدر أقول اسمي عشان حلو أوي ومغربي وكده.

- مفيش مشكلة يا فندم.. حضرتك تفضلي ترضعيه طبيعي لحد 4 ابتدائي  
تشطفيه وتحميه لحد أولى ثانوي.. تلعسيه بالشمعة على لامواخذه ضهره لو  
عمل أي حاجة لوحده.. ينام جنبك على السرير لحد تانية جامعة.. مملو  
منعًا بأتا أي مدح أو تحفيز من أي نوع.. اللعب بتاعته لازم تكون غرايس  
باربي.. ممنوع يكون ليه أصحاب خالص.. يلزق فيكي طول اليوم زي التوام  
السيامي.. أي خدمة تاني يا فندم؟

\*بصراحة أيوة.. عندي بنت بقى.. عايزاها تطلع غلاوية وكداية وحقوقه  
ومناقفة وقلها أسود وماتحبش الخير لحد ودايمًا تجيب سيرة الناس بالباطل  
وياربت منحرفة إذا أمكن..

- أوي أوي يا مدام.. سمي بدنها يوميًا إنها وحشة وتخينة وجاموسة  
مابتفهمش.. مقارنات مع علا بنت خالتها وياسمين بنت جارتكو باستمرار..  
اتوصي بالحرمان بصفة خاصة.. دايمًا تشتمني في صاحباتك قدامها وتكذبي  
عليهم بقدر الإمكان.. إوعي تسألها كانت فين ولا مع مين.. من بداية سن  
المراهقة ترفعي بقى إيدك عن تربيتها خالص وتسيبها دايرة على حل شعرها  
شعراية شعراية..

\*ميرسي خالص.. كان في طلب كده لو ممكن يعني؟

- طبعًا يا فندم تحت أمرك..

\*كنت عايزة رقم موبايلك الخاص وكده..

- طبعًا.. أوف كورس! كنتروووول.. اقطع يا بني البرنامج!

\*\*\*\*



## الصيف وبلاويه

احب أسجل شكري واعترازي لبعض الأشياء اللي فعلاً بتعمل فرق كبير في حياتنا كأزواج وكبشر عمومًا يعني:

- فرشاة الشعر والسشوار ومكوة الشعر والكرياتين:

يا جماعة من غير الحاجات دي احنا فعلاً كنا هنضيع.. مصر مهما كانت، في الآخر فيها جينات أفريقية برضو.. ومش معنى كلامي إن الشعر الأفرو الأكرت الهايش اللي مفيش فيه شعراية بتحب أختها وحش.. أبسوليوتلي.. بس مانقدرش ننكر إن الشعر الناعم هو أحد النعم الحقيقية في حياتنا المعاصرة..

وهنا لازم نقدّم شكر خاص للحجاب اللي وفرلنا بيئة آمنة خالية من المفزعات البصرية اللي بدون قصد ممكن نشوفها في الشارع..

- مزيلات الرائحة:

طبعًا الكلام عن العرق، أهميته بتتضح جلية في المواصلات العامة وأماكن الانتظار ومدرجات الجامعة.. بلاش نكون عنصريين ونتكلم عن الناس اللي مش بتستحمي الصبح قبل ما تنزل من البيت.. بغض النظر عن مشاكل الماية اللي بتقطع، ده مش حقلك انت لوحدهك.. الاستحمام صباحًا من حق اخواتك في البشرية اللي هيسعدهم الحظ ويدخلوا مجال شم ريحتك في أي مكان.. والاستحمام لوحده مش كفاية..

بلاش تلبس الطقم بتاع امبارح خصوصًا لو الدنيا صيف.. ريحة عرقك شالها  
انت مش هتشمها لأن مستقبلات الشم في مناخيرك خلاص تشبعت بيها..  
آخر نقطة، مزيلات العرق مش حرام عشان في منها بدون رائحة بس بيتعامل  
مع ريحة العرق.. ورخيصة يعني عشان ماتعيش في دور المواطن المطحون اللي  
مش لاتي رغيف الخبز وكده.. انت عفريت وبتدفع باقة النت ومعاك موبايل  
بيدخل على فيسبوك.. ماشي؟

- معجون وفرشاة الأسنان واللبن التشيكلتس: بالليل وأحنا نايمين، في  
ملايين من البكتيريا والفيروسات والفطريات عايشة في بقنا عادي في تكافل  
وسلام.. طبعًا دول كمخلوقات ربنا، من حقهم ياكلوا ويعملوا بيبي وأشباه  
أخرى داخل بقك زي أي مخلوق يعني.. غسيل سنائك الصبح هو عبارة عن  
إزالة المجاري اللي حصلت جوة طول الليل..

مفيش أي مانع حضرتك تضرب طبق فول مع فحلين بصل الصبح.. ومفيش  
أي مانع تضرب كشري بالدقة على الغدا برضو.. بس خُد بالك إن الريحة اللي  
هتطلع منك تكاد تكون محرمة دوليًا حتى في الحروب.. فلو عملت كده، التزم  
الصمت تمامًا وماتفتحش بقك خاااااالص... التنفس يكون عن طريق الأنف  
ويكون في مسافة 5 متر مربع دائمًا بينك وبين أقرب كائن حي..

بقية الحاجات بقى عادي أذواق شخصية وكده..

بس لو مافيهاش غلاسة يعني، ربنا يخليكوا بلاش أي ألوان فسفورية خالص  
في اللبس... اللموني والأورانج والأصفر الكناري دي ألوان طيور وحيوانات  
وكائنات بحرية عشان تخوف الأعداء أو تجذب الفرائس.. وسيلة حرب  
بيولوجية يعني.. بلاش نبلبي بها خلق الله بقى..

ميرسي خالص

\*\*\*\*

## شم النسيم

- تمام يا فندم، خلاص فاضل 10 دقائق ونوصل كوكب الأرض..

\*برافو يا محسن.. وصلنا في وقت قياسي.. الرحلة بتأخذ 10 سنين ف الطبيعي  
وقدرنا ناخذها ف 9 سنين بس.

- بتوجهيات سيادتك يا فندم!

\*إف إف!.. يا ساتر!.. إيه الريحه اللي هبت علينا دي يا محسن؟!

- ثواني يا فندم أروح أشوف!

\*بسرعة يا محسن!.. عقولة يكون حد بيعمل بيبي ف الفضاء!. إيه  
المخلوقات الزبالة دي!..

- يا فندم الريحه دي جاية من كوكب الأرض!

\*نعم؟ انت بتستهيل يا محسن؟ أساسا الريحه تنتقل ازاي في الفراغ يعني؟

- و الله يا فندم ده اللي حصل.. في بقعة كده من الكوكب طالع منها إشعاع  
مليان روايح!

\*إيه الريحه دي يا ساتر يارب!!... بيهبوا إيه المخلوقات دي تحت؟!

- كل شوية مخلوقات أرضيين ملمومين مع بعض وقدامهم جثث مخلوقات  
ثانية صغيرة وطويلة كده ونازلين فيها حرت يا فندم!

\*الله يجربيتكوا يا أخي!.. وحبكت بقى الغزو يجي وهما بياكلوا الجثث دي ١٩٩٠  
ما احنا بقالنا 9 سنين في أم الطريق!... ماعلينا.. رشوهم بشوية مبيدات حلها  
نخلص!

- تمام سيادتك..

\*\*بعد ساعة\*\*

\*ها يا محسن؟ الريحه هتموت أمني!!.. مش طريقة غزو دي يعني!

- يا فندم حصل شيء عجيب!

\*أطربني ياخويا أطربني.. هو كوكب زبالة أساسًا أنا عارف!

- المبيدات يا فندم اللي ياما قتلت مخلوقات وأفنت أمم.. ماجبيتش أي نتيجة  
مع الأرضيين!

\*ليه يا فالج!

- كانوا بياكلوا حاجات مدورة كده يا فندم وطالع منها ديل أخضر مع الجثث  
اللي قدامهم.. الحاجات المدورة أم ديل أخضر دي امتصت كل المبيدات  
بتاعتنا.. والأرضيين كلوها عادي!! وسمعتهم بيقولوا عليها "بصل"!

\*يا دي النهار اللي مش فايت!! قنابل البصل دي هي اللي أبادت الحضارة  
بتاعتنا أساسًا يا محسن!! والأرضيين بياكلوها عادي كده؟!!

- طب والعمل يا فندم!

\*لف وارجع تاني يا محسن!

\*\*\*\*\*

## هنفرح بيكي إمتي؟

- ازيك سوسو يا حبيبيتي.. أمال ماما فين؟
- \* اتفضلي يا طنط أهلاً وسهلاً.. ماما ف مشوار بس وجاية على طول..
- يزيد فضلك يا حبيبيتي..
- \* ها يا طنط تشربي إيه؟
- أي حاجة يا حبيبة طنط... مش هنفرح بيكي بقى يا سوسو؟
- \* ياريت تكوني صريحة أكثر من كده يا طنط.. قصدك الجواز يعني واني كبرت وكده؟
- لأ يا بنتي مش قصدي.. بس انتي داخلة على التلاتين يعني و...
- \* داخلة على التلاتين أممممم...
- إيه يا سوسو انتي زعلتي ولا إيه؟
- \* أبسوليوتلي يا طنط... عايزة أعرف بس إيه علاقة جوازي بفرحتك يعني؟
- ابدأ يا سوسو.. أ..... أم..... أنا وماما يعني اصحاب من زمان وكنت عايزة نفرحك بيكي بس.
- \* ماهو عشان انتي وماما اصحاب من زمان، مش عايزة أتجوز أي واحد وخلص.
- قصدك إيه يا سوسو؟
- \* قصدي إني مش عايزة أبقي زيك كده لو اتجوزت لمجرد أني كبرت ولا منظرني قدام الناس.

- إيه ده لا بقى... قصدك إيه؟؟

\*قصدي إن جوزك طول النهار قاعد عالقهوة وطفشان من البيت، وأنا واللي عارفين بيكون بهيب إيه لما بيرجعك وش الصبح!  
- لا يا سوسو إيه الكلام ده؟!.. هي حصلت ت.....

\*بلا سوسو بلا زفت بقى.. انتي طول النهار قارفة اللي جابونا بمشاكلك اني وجوزك وعيالك.. ماتجيش بقى تعيشي معايا دور ماما تريزا اللي خايقة على مستقبلتي!  
- انتي ق.....

\*هو انتي فاكرة نفسك متجوزة أساسًا؟؟ انتي طول النهار تجيبي في سيرة الناس وتشتمي ف جوزك وتلعني اليوم اللي اتجوزتي فيه!  
- لا ماس.....

\*يا شيخة بلا قرف بقى وخليكي في نفسك! انتي مال اللي جابوكي اتجوزت ولا اتهببت؟! مالك انتي عندي 30 ولا 60؟ ماتروحي تشوفي حياتك الفاشلة وتفرحي بنفسك انتي الأول!!  
.. تصب.....

\*عيطي يا طنط عيطي... هي الحقيقة كده دايمًا بنت كلب.. وعمومًا انتي لسه صغيرة يعني.. 48 سنة عادي لسه فيكي الطمع برضو.. طالما انتي حسياسة أوي كده، شدي حيلك واتطلقي وتعالني ندور على عرسان سوا..  
- أهى أهى..

\*ها؟.. ماقولتيش يا طنط، تشربي إيه؟

\*\*\*

## جمعة وسبت بس!

.. وبعدين يا مولاتي.. احنا بنخلص!

\*مش عارفة يا أميرة.. أنا فعلاً محتارة.. تعداد كوكبنا في تناقص مستمر وكلها

للاتين أربعين سنة وهنخلص فعلاً..

.. محتاجين طلعة كمان يا مولاتي..

\*طلعة إيه يا أميرة؟

.. انتي عارفة كويس يا مولاتي..

\*قصدك نجيب رجالة من كوكب الأرض ونتجوز وكده؟؟!

.. يا مولاتي هو ده الحل الوحيد..

\*ماما الملكة الكبيرة الله يرحمها حكنتلي عن آخر مرة كان في رجالة على

الكوكب.. الدنيا كانت بايظة يا أميرة.. انتي مش مذاكرة تاريخ ولا إيه؟

.. يا مولاتي ده كان زمان.. من ساعة ثورة التطهير المجيدة اللي تم وأد كل

الرجالة فيها واحنا خلاص معانا السيطرة..

\*و الله فكرتيني يا أميرة.. عايزين نبقى نطلع على النصب التذكاري للراجل أبو

عين زايفة.. أهو نحط كام وردة كده ونتفّ عليه.. والنصب التذكاري للراجل

النطع.. يااااه.. بقالنا كتير أوي ماشفناش الأشكال الزبالة دي..

- ماتشوفيش وحش يا مولاتي.. طيب النصب التذكارى للرجال المتحرش؟

\*لأ ده هيكون ليه احتفالية خاصة.. عشان نولّع فيه ونرفع معنويات الشعب  
يا أميرة.

- ودي برضو مشكلة تانية.. الشعب تعبان أوي يا مولاتي.. مستويات الاكتئاب  
وصلت أرقام قياسية.. هاتيلنا شوية رجالة نلعب بيهم.. جمعة وسبت حتى..

\*لأ شوية رجالة إيه؟؟ ماقدرش أغامر يا أميرة بحالة فوضى تعم الكوكب..  
ابعتي خطاب لكوكب الأرض اطلبي راجل واحد بس.. 33 سنة.. طوله لا يقل  
عن 180.. ويكون عندو شعر.. سمعاني يا أميرة؟؟ عشان أنا عارفاكي تمولي  
في الصلع.. وباريت يكون خريج جامعة.. مش ناقصين غباء ف الجينات..

- حاجة تاني يا مولاتي؟

\*لأ الحاجات العادية بقى.. ابعدى عن الكروش واللغاليغ وأي زوائد دهنية..  
أه، ولازم يتعملوا اختبار النّفس الطويل قبل ما ييجي.. لازم يكون نفسه  
طووويل أوي يا أميرة.. عشان ممكن يجيب وش سلندر من أول جمعة..

- أوامرك يا مولاتي..

\*وهاتيلنا معاه مآذون كمان.. عشان الإجراءات وكده.. الشعب لازم يتجوز  
ويهبص.

- تمام يا مولاتي.. ربنا يخليكي للشعب.

\*\*بعد أسبوع\*\*

- صباح الخير يا مولاتي.

\*صباح النور على البنور.. ازيك يا أميرة؟.. شكك أمورة أوي النهاردة.. والجو  
جميل أوي..



يا ماشاء الله يا مولاتي.. المزاج عالي وآخر عنب..

\*المعلا أنا فرحانة أوي.. ها؟ أخبار الشعب إيه؟

.. الشعب مستتي يا مولاتي.. من ساعة الراجل الأرضي والمأذون ما وصلوا

القصر ومحدث شافهم.. مش تحتي على الشعب بقى يا مولاتي!

\*جرى ايه يا أميرة!!.. انتي هتبصيلي في الراجل!.. خلاص الراجل ده مش هيطلع

من القصر!

.. طب والشعب يا مولاتي؟

\*ماله الشعب يا أميرة؟؟ ماهم عايشين من غير رجالة زي الفل أهم!.. دلوقتي

الرجالة بقوا حلوين؟؟

.. طب مش هنروح نحتفل عند النصب التذكاري للراجل أبو عين زايغة؟

\*كويس انك فكرتي.. هاتيلي النصب التذكاري ده هحطه هنا في القصر..

..ليه يا مولاتي!

\*مالكيش فيه يا أميرة.. أه حاجة كمان..

.. أوامر مولاتي.

\*مش عايزة حد يشوفك هنا عندي.. فاهماني طبعًا؟.. ياريت ماتجيش القصر

هنا تاني.. لما تعوزي حاجة ابقى كلميني على الموبايل قشطة؟

.. طب بالنسبة للمأذون يا مولاتي، مرتبط؟

\*\*\*\*

## برنامج الإجابة

أهلاً بكم ف برنامج "الإجابة" ..

ومعانا أول رسالة ..

أشرف باعت بيقول أنه شخص ذكي وموهوب جداً وفي تانية طب ونفسه يطلع جراح قلب كبير ومشهور .. وبیسألنا، يعمل ايه؟

والإجابة بتاعتنا على أشرف:

الحق بسرعة حول تجارة إنجلش عشان تتخرج وتلحق سفارة كندا قبل ما تقفل .. وهناك هتقدر تبني مستقبلك بسهولة ف أي محل بيتزا وإن شاء الله أحد أحفادك الكنديين ممكن يكون طبيب عام ف أي وحدة صحية ف كندا ..

تاني رسالة معنا النهارده من سالي ..

سالي بنوتة كيوت باعتة تسأل هل تسمع كلام خطيبها وتروح تحط بوتوكس في شفایفها؟

وإجابتنا على سالي:

مش فارقة يا سولي عشان كده وفي أحسن الاحتمالات وأكثرها تفاقلاً، هينفضلك بعد الجواز بشهرين تلاتة ويقعد مع أصحابه على القهوة .. أما أسوأ الاحتمالات إنه هيجونك مع صاحبك الأنتيم اللي هو أولردي بيعاكسها من دلوقتي ..

تالت رسالة معنا من مدام أحلام..

مدام أحلام يا عته بتسأل ازاي تخلي جوزها يهتم بيها ويحبها زي أيام الخطوبة؟  
وإجابتنا الشهيرة المعروفة دايمًا لكل المدامات اللي زي مدام أحلام:

عيشي لنفسك يا حبيبتي واخرجي واتفسحي مع صاحباتك وبلاش تحطي همك  
في الأكل قدام النت والتلفزيون.. وبلاش فُرجة على أفلام رومانسية خالص  
لأنها خيال علمي وممكن تجيبلك حموضة.. أما بالنسبة لجوزك، ياريت  
سقف طموحك يقف عند خروجة يوم الجمعة مع العيال اللي بيقعد يقرأ  
فيها الجرنال أو يلعب ف الموبايل..

آخر رسالة من تامر..

تامر شاب خريج جديد ويسأل إيه الكورسات اللي ياخذها عشان يكون  
مستعد لسوق العمل والنجاح وكده..

إجابتنا لتامر إنه دايمًا يصلي الفجر حاضر ويدعي بكثافة ربنا يخليه أبوه  
وأمه ال 10 سنين اللي جاين.. لأنهم هما اللي هيصرفوا عليه.. وبالنسبة  
للكورسات، ياريت وبسرعة تنزل مع أقرب نقاش أو ميكانيكي بيعجوا وتبوس  
إيديهم يقبلوك صبي.. وأهو تتعلمك صنعة بدل الكام سنة اللي ضاعوا من  
عمرك يا تمورة..

وبكده نكون وصلنا لآخر حلقتنا النهارده من برنامج "الإجابة"..

نشوفكوا إن شاء الله الحلقة اللي جاية

تصبحوا على خير..

\*\*\*\*

# الرجال قد يعرفون الحب

غادة مهندسة..

غادة رومانسية حاملة..

وعشان كده كل ما تتضايق، بتاخذ فلوكة وتطلع النيل لوحدها..

المهم..

لفت نظرها إزازه دوا (مضاد حيوي أو دوا كحة) عايمة على وش الماية وملزوق عليها وردة صناعي لوونها زي لون المجاري كده.. بس غادة عشان رومانسية، قالت أكيد كان لوونها أحمر ف الأصل..

الإزازه لفتت نظرها أوي.. ورجعت بالذاكرة لفيلم كيفين كوستنر "مسح إن أ بوتل"...

معقولة؟.. معقولة الإزازه دي يكون جواها رسالة من عاشق ولهان إلى معشوقته؟؟

طلبت من عم إبراهيم المراكبي يجيبها الإزازه..

وبقلب وجل وخفقات سريعة، غادة فتحت الإزازه..

ولقت جواها ورقة ملفوفة على طريقة البرديات بتاعت الفراعنة..

أيديها كانت بتترعش وهي بتفتح الورقة.. وقرأت:

"زوجتي الحبيبة فريدة.. أكتب إليك هذه الرسالة راجيًا من الله أن تخترق حدود الزمان والمكان لتقرأها أعين الأجيال القادمة..

بعد أن شفاني الله من الالتهاب الرئوي الذي مررت به... أكتب إليك من فراش النقامة لأعبر لك عن امتناني لكل قطرة دواء نزلت في جوفي من يدك الرقيقتين.. لكل نظرة عشق جعلها الله سببًا في شفائي من عينيك الحانيتين.. لكل لمسة أمل على جبتي عندما كنت محموماً.. ولم أكن أدري هل الحمى من مرضي أم من فرط عشقي لك..

حبيبتي.. أعاهدك على السراء والضراء.. على الفقر والغنى.. على السعادة والشقاء.. أن تظلي دومًا محبوبتي.. وصديقتي.. والمحراب الذي أوي إليه في مرضي وصحتي.. حتى يأذن الله للموت أن يطرق باب أحدنا..

زوجك المحب.. (أحمد فلان الفلاني) – أبريل 2014"

غادة ماعرفتش تمسك الدمعة اللي نزلت سخنة على خدها اليمين.. الرسالة حديثة.. يعني لسه فيه حب صادق وحقيقي في الدنيا..

غادة كانت مصرة تعرف فريدة وأحمد وتسالهم عن سر سعادتهم..

وفعلًا.. اتصلت بهتاني صاحبها اللي بتشتغل في اتصالات وحكتلها القصة وطلبت منها توصل لأحمد وفريدة..

تهتاني كانت عفريته.. وبعد بحث وتقصي واستعانة بأصدقائها في فودافون وموبينيل، قدرت توصل لـ موبايل أحمد..

أول ما غادة مسكت الرقم، حسست نفسها هايغمن عليها من كتر رهبة الموقف..

استجمعت شجاعتهما واتصلت..

- ألو.. أستاذ أحمد معايا؟

\*ألو.. أيوة أنا .. مين حضرتك؟

- أنا المهندسة غادة.. كنت بتصل بحضرتك بخصوص موضوع شخصي..

\*أهلاً يا باشمهندسة.. أوي أوي.. اتفضلي

- طب تمام.. أنا لقيت إزازه كده بتاعت دوا كحة تقريباً في النيل.. وجواها رسالة حضرتك اللي كاتبها.. إحم.. لمراتك يعني وكده..

\*ياااااااه.. انتي اللي لقيتي الرسالة!!

- أيوة لقيتها.. وتأثرت جداً بالكلام الصادق الجميل اللي حضرتك كتبته لمدام فريدة مراتك..

\*أنا مش مصدق!!.. معقولة حد لقي الرسالة!!.. وعرفتي توصيلي ازاي؟

- موضوع طويل شوية.. بس أنا كنت حابة أسألك انت ومدام فريدة يعني عن سر الحب الجارف ده..

\*أممممم.. طيب ممكن أعرف عندك كام سنة؟

- 25، ليه؟

\*لا أبداً عادي.. ويا ترى مرتبطة؟

- لا لسه ماحصلش نصيب..

\*هايل.. طب ممكن نتقابل؟.. يعني عشان أشرحلك سر الحب الجارف وكده؟

- أنت ومدام فريدة قصدك.. صح؟

\*مدام فريدة مشغولة جداً الفترة دي.. بس أنا ممكن أشرحلك عادي.

.. متهيا لي كده هيكون مش مناسب يعني.. أفضل تكون مدام فريدة موجودة..

\* يا ستي ماتجيكهاش.. عادي اعتبرينا اتطلقنا!

.. نعم؟؟

\* معقولة نضيع الفرصة الجميلة دي عشان فريدة؟ خلينا نتقابل ونتعرف  
وكده وبعدين نبقي نشوف فريدة بعدين.. أو مانشوفهاش خالص.

.. لأ حضرتك فهمتني غلط... وللأسف، أنا خلاص خدت الإجابة اللي كنت بدور  
عليها..

(الرجال قد يعرفون الحب... في المسافة التي يستغرقونها إلى حب آخر)

\*\*\*

# من عيني!

- بحبك

\*أمممممم.. أد إيه؟

- مش هقدر أقول.. لسه الحاجة اللي بحبك أدها ماتخلقتش..

\*مجرد كلام..

- ليه مش مصدقاني؟ كل جوارحي بتقولك إني بحبك..

\*دي هرمونات مش أكثر.

- هرمونات إيه بس؟؟ بحبك.. بحبك وممكن أعمل أي شيء عشان أفضل معاك وأسعدك..

\*ويا ترى حبك ده تاريخ انتهاء صلاحيته إمتى؟

- تاريخ وفاتي.

\*كداب

- طب أعمل إيه عشان أثبتلك إني بحبك.

\*أمممممم.. غمض عينيك.

- ليه؟ هتبوسيني صح؟





- أنا هبلّغ فيكي البوليس.. لأ بوليس إيه!! أنا هقتلك وفعلاً هشرب من دمك!!  
\*لأ ماهو شوف جمال الموضوع بقى.. في منطقة معينة كده في المخ الدكتور  
الصيني إداني سلك كده أدخله من ودانك ونلعب في المنطقة دي.. تقوم تنسى  
كل الحوار ده.. وهزرع ذكريات مزيفة وكده إنك اتعرضت لحادثة.. وانا طبعا  
هكون جنبك مع دمعتين وكام نفة في منديل..

- أنا حاسس إني في مقر الموساد ف تل أيبب!! إيه الشيطنة دي كلها!! ليه ده  
كله؟؟

\*شوف يا بيبى.. أولا: هنضمن إنك مالكش في البصبة والعين الفارغة  
وشغل الخيانة بقى وجو السبكي ده.. ثانيًا: جميلي هيفضل دين في رقبك طول  
العمر.. على أساس إني المخطوبة اللي وقفت جنب خطيبها حتى بعد ما عمل  
حادثة وبقي أعور... ثالثًا: هيكون عندي لانسر استعمال طبيب!

- انتي مجنونة.. واللي انتي بتقوليه ده مستحيل يحصل..

\*هتاخذ السلك ف ودنك اليمين ولا الشمال؟ ولا اختار أنا يا بيبى؟

- إوعي تقربي مني!!! أنا بس أفوق من البن.....

\*\*\*بعد ساعة\*\*\*

- إيه ده.. أنا فين!..

\*بيبي!! ألف حمد لله على سلامتك يا بطل..

\*\*\*







## حكاية مجهود

جوزي أيام الخطوبة كان حاجة تانية خالص

جوزي مش بيحبني زي الأول

جوزي مش طايقني ولا طايق العيال وطول الوقت مكهرب البيت

جوزي عينه زايفة و..... و..... و.....

جوزي مش بيقولي كلام حلو

جوزي مش بيكلمني أساسا وقاعد زي الأخرس في البيت

جوزي زي الفل برة البيت وعامل زي اللي بالع راديو وأول ما يدخل البيت

يتحول لكائن أفعواني مستفز

جوزي عامل البيت لوكانده وشايل إيده من أي مسئولية في البيت

مراتي نكدية

مراتي زنانة

مراتي أي حاجة تعيظ

مراتي مش بتهم بنفسيها

مراتي بعد الخلفة خلاص بقى كل اهتمامها العيال والبامبرز

مراتي طول الوقت بتشتكي

مراتي مش عايزة مني غير فلوس

مراتي بيركها العصبي لو قعدت مع أصحابي عل القهوة شوية

مراتي نكدية (تاني)

الحلول السلمية:

التغيير: غيري في أي حاجة بس مش عمال على بطال... لاون شعرك (بس لو سمرا بلاش أصفرات)، مكان السرير، ترتيب الليفنج (غرفة المعيشة يعني)، ترتيب الريسبشن (الصالة يعني)، حد من العيال.. أي تغيير يكسر الزرنيخ اللي بيتراكم في اللاوعي بتاع الراجل مع الوقت

المجهود (1): معلش حضرتك لازم تفهم إن دي أنثى.. يعني مش كانن أرضي زينا- كده.. آه هي بتاكل وتشرب وتنفس وتعمل بيبي، بس ده ميخدعكش وتفتكرها زينا.. الكائن ده بيتغذى على المجاملات والمغازلات والمديح والرشي والرومانتيكية الحمقاء..

المجهود (2): والله عارف إن حجر المعسل على القهوة آخر الأسبوع مهم جدًا بل شديد الأهمية.. بس انت خدت المسكينة دي من بيت أبوها ولو كانت تعرف ماكانتش اتبهبت اتجوزتك.. فعشان انت في يوم من الأيام هيبقى عندك بنت وفي جحش هيجي ياخدها منك، حاول تديها وقت أد وقت القهوة والبلاي ستيشن.. هتقولي نعمل إيه في الوقت ده كله؟ هقولك استخدم خيالك وأنا متأكد إنك هتلاقي حاجة..

المجهود (3): عيب أوي أوي لما تمشي جنب مراتك وهي حامل وانت كمان حامل.. خف الأكل شوية وحاول تلعب أي رياضة.. فوايدها مش هتكون إن

الكرش يروح بس لأ.. دي فوايدها هتبان عليك ف حاجات تانية أهم من الكرش بكتير..

المشاركة: حاول تخصص ساعتين في الإسبوع تقعد تناقش مراتك في أي موضوع غير الخضار والمصاريف والبامبرز.. ممكن تناقش الاحتباس الحراري أو نلعب عشرة طاولة محبوسة أو واحد وتلاتين لو مراتك تربية قهاوي..

الاستبدال: الراجل بينجذب عادة للست المتجددة عقلياً.. أبوس إيدك حاولي تقرأ أي كتاب في موضوع لا يتمحور حول الفضائح والموضة والشعر والميكاب والботوكس وطريقة عمل البامبين بالبشاميل.

تفريغ الشحنات السلبية: ممكن تعيطي عادي محدش سلب منك هذا الحق الألهي المقدس.. بس مش لازم في وشه.. ممكن تعيطي في الحمام أو في المخدة وهتبقى فريش جداً بعد ما تخلصي.

التوقيت (للاستات): اختيار التوقيت مهم جداً لما تيجي تقولي لجوزك حاجة أو تطلي منه حاجة.. في ستات ناصحة ودارسة ودول أنا مش قلقان عليهم.. التانيين بقى بقولهم مش معقولة يوم خميس وبكرة الجمعة أجازة وتشتكي من حماتك عشان قالت الرز كان ناقص شوية ملح!! استخدمني مخك لأن النكد لما بيعي بيعم على الكل.. فاهمة؟

التوقيت (للرجالة): لو حضرتك مش تخصص طي، لازم تعرف إن في أيام ربنا ما يكتبها عليك ولا علينا، مراتك بتبقى هرموناتها في حالة حرب مع نفسها.. اقفل على نفسك أوضة وحاول تعدي الأيام دي على خير..



## الحلول الدموية

البعد: لازم يكون في يومين كل أسبوع الراجل يروح يقعد عند أمه.. أو الست تسبب البيت وتغضب عند أبوها يومين برضو من غير العيال..

كل شهرين لازم يكون في أسبوع أو 10 أيام مش عايشين في نفس الشقة.. وكل ما الفترة كبرت كل ما كان أحسن.. لما ترجعوا، هتدعولي 😊

التبرير بتاع الموضوع ده: إن التعود يقتل الأخضر واليابس.. يقتل الحب والكراهية.. لازم نكسر التعود عشان يكون في أي أمل في المشاعر ترجع تاني..

النكد المدروس: الحل ده أدفانسد شويتين (متقدم يعني).. ومحتاج واحدة في منتهى الذكاء وفاهمة الرجالة كويس..

الحل بمنتهى البساطة يتلخص في إنك تفتعلي خناقة متوسطة الجهد.. وترفعي مستوي النكد عند الراجل للنص تقريبًا.. وبعدين تصالحيه في خلال ساعتين من بدء النكد..

الحكمة وراء هذا الحل اللودعي إن الإنسان up and down يعني فوق وتحت.. فلو انتي نزلتيه تحت باحترافية وذكاء، تقدري تطعليه فوق بسهولة.. ولما يطلع فوق هيدلحك..

الحل ده لا ينصح بيه لمرضى السكر والضغط ولمن هم فوق ال 35..

\*\*\*

# الفهرس

5	..... الإنترفيو
10	..... عرض غير محترم
13	..... عريس لُقطة
16	..... خليك بوزيتيف!
19	..... فأنوس سحري
21	..... عصر بشندي
25	..... تاخذ فيزا؟
28	..... إيه رأيك يا سها؟
30	..... الشورية
34	..... إنسيبشن - Inception
38	..... على ناصية البيدج!
41	..... برة الصندوق!
45	..... سيلفي!
48	..... العيب القاتل!
51	..... ميت غمرون
56	..... الإقرار!
59	..... مشوار
62	..... الشخصية العسلي
67	..... ذكوري متعفن!ب
70	..... نوجا
74	..... بسنت
76	..... الجريمة

79	الطرحة واسعة يا عمي!
82	عريس يا بوي!
85	جوجل ف مصر
90	نورهان!
93	شرباااااااااااا!
95	أكونت بناتي
97	استبيان لولي!
100	عروسة
103	زوجي وعليوة
106	البطاريق
109	حتة تورته وبس
112	أهم إنسان!
114	جنازة عم فتحي
118	والله يا بنتي مانا عارفة!
121	بسنت.. تاني!
124	الكينونة
127	الترزي الشاطر
130	(٢٠ دقيقة قرارات)
135	الملافظ
137	الأم الفضيلة.. جدًا
139	الصيف وبلاويه
141	شم النسيم
143	هنفح بيكي إمتي؟
145	جمعة وسبت بس!
148	برنامج الإجابة

- 150.....الرجال قد يعرفون الحب
- 154.....من عيني!
- 157.....عبقري!
- 160.....حكاية مجهود

# 50 نيورون

النيورون هو الوحدة البنائية للمخ.. وبالتالي كل ما أنتجته وأبدعته واقتصرته البصرية جاء من هذا النيورون.. به سنكتب ونثيل ونتفاعل معاً من أجل بسمة على وجه مرهق بعد يوم طويل، أو انتعاشة فكر في عقل مبدع تدفعه نحو الإهام ما..

## لماذا تقرأ 50 نيورون ؟

- 50 نيورون فيه خمسين حكاية قصيرة من صلب الواقع المصري.
- 50 نيورون هيخليك تضحك و ممكن تبكي و تتأمل.
- 50 نيورون هيخليك تتسوف (Patterns) اجتماعية ماكتتس شايضا قبل كده.
- 50 نيورون هيخليك تفكر بصورة أكثر منطقية.
- 50 نيورون كتاب جديد جدا، عصري جدا، ساخر جدا.

محمد فايق صيدلي خريج جامعة حلوان عام 2000. قام بدراسة علم النفس و حصل على ماجستير في علم النفس العام سنة 2016 من جامعة (California Southern University) بالولايات المتحدة الأمريكية.

